

大清郵政局特准掛號立券之興行

南洋官報

戊申正月二十日
旬報第一百四册

南洋官報

旬報第一百四十四號
光緒三十四年正月二十日

NAN-YAN KWAUG PAO.

ISSUED THREE TIMES PER MONTH.
Nan King

目錄

目錄

△督院輪抄摘要

△論撰

△內政

△政文

△八旗教育分會會長申文

△各省要聞彙誌

△外交

△學務

△軍政

△財政

△實業

△路礦郵電

△雜誌

△附調查日本監獄情形清單

△增農家必讀

△各省要聞彙誌

△各省要聞彙誌

△各省要聞彙誌

△各省要聞彙誌

△各省要聞彙誌

△各省要聞彙誌

豐年為瑞說
○安徽池州府中學堂開校演說文

修訂法律大臣奏刑律分則草案告成摺
○法部咨江

督文
○江督咨民政部文
○淮揚海道詳文
○江甯府詳文

八旗教育分會會長申文
○江蘇預備立憲公會呈督撫憲文

各省要聞彙誌
○附各國政治紀聞

外交
出使和國大臣錢奏萬國保和會會議情形摺
○各省

學務
江督奏兩江師範學堂經費飭蘇皖贛三省藩司籌解片

軍政
江督奏金陵製造局添購機器情形摺
○陸軍部咨江

財政
江督奏請展辦工賑捐暨七項常捐摺
○又奏州縣征

實業
農工商部奏清查各省官民荒地請飭各省迅速造報

路礦郵電
郵傳部奏改提調處為鐵路總局摺
○瀋道移滬

雜誌
奧匈鐵路制度考

附調查日本監獄情形清單
○增農家必讀

各省要聞彙誌

各省要聞彙誌

各省要聞彙誌

各省要聞彙誌

各省要聞彙誌

各省要聞彙誌

各省要聞彙誌

諭旨

光緒三十三年十二月十七日奉

上諭開缺江蘇巡撫陸元鼎著加恩以三品京堂候補欽此

上諭著景星俞廉三丁振鐸曹鴻勛陸元鼎協理開辦資政院事務欽此

十八日奉

上諭尙書呂海寰著派充津浦鐵路大臣並著直隸江蘇山東督撫會同辦理欽此

上諭寶棻奏查明陽曲等廳州縣被災地畝請分別蠲緩錢糧一摺山西省南北各屬本年春雨愆期夏秋後又復雨暘不時兼以冰雹爲患成災歉收暨水冲沙刷不能墾復地畝若將應征新舊糧賦照常征收民力實有未逮加恩著照所請所有陽曲等十二廳州縣應徵新舊錢糧著按照成災輕重分別蠲免停征展停蠲緩展緩遞緩以紓民困該護撫卽將單開詳細數目刊刻謄黃徧行曉諭務使實惠均霑毋任吏胥舞弊以副朝廷軫念民艱至意餘著照所議辦理該部知道單併發欽此

十九日奉

上諭那桐著派充督辦稅務大臣呂海寰毋庸會辦欽此



上諭徐世昌等奏查明奉省海龍等處被災地畝懇恩蠲緩租賦一摺奉天海龍東平兩府縣地處邊荒本年被水被雹傷毀田禾淹斃人口安廣彰武兩縣本年春夏亢旱禾苗均多枯槁該省兵燹之後復遇災荒實堪軫念加恩著照所請所有海龍東平安廣彰武等一府三縣本年應征各項租銀租錢著按照各村莊被災分數分別蠲緩如未經奏請以前業經花戶先完准其流抵次年正賦其被災地方若有歷年民欠並著緩征以紓民力該督撫卽刊刻謄黃徧行曉諭務使實惠均霑毋令吏胥舞弊用副朝廷軫念民艱之至意該部知道欽此

二十日奉

上諭張曾敷奏假期屆滿病仍未痊懇請開缺一摺山西巡撫張曾敷著准其開缺欽此

二十一日奉

上諭寶棻奏特參庸劣不職各員一摺山西前帶口外巡防隊補用副將胡太才居心險惡行爲詭秘裁缺河東守備趙維翰惟利是視形同誑騙均著革職永不叙用卸署薩拉齊廳同知試用通判屠義矩識闇才庸丁役用事准補陶林聽通判林以紱

庚生聖化頁召勿義試用巡檢陳建譖公齊私被控有案署長治縣典史試用未入

署薩拉齊廳同知試用通判屠義矩識闇才庸丁役用事准補陶林廳通判林以紱秉性輕佻頗招物議試用巡檢陳捷藉公濟私被控有案署長治縣典史試用未入流湯祖誥聲名甚劣操守難信均著卽行革職前辦攔車釐卡議叙知縣朱勵志辦事操切約束不嚴惟文理尙優著以教職降選代辦統稅委員候補知縣沈守正措置乖方難膺民社著以縣丞降選餘著照所議辦理該部知道欽此

上諭山西巡撫著寶棻補授欽此

上諭山西布政使著丁寶銓補授志森著補授山西按察使欽此

二十四日奉

上諭瑞良奏特參庸劣不職各員一摺江西試用通判蔡濟襄狎比匪人有虧行檢試用知縣金嘉禾不避嫌疑致釀人命袁州府教授樊子椿心地糊塗難資訓迪袁州府訓導李其光久曠職守樟樹司巡檢石承謨庸懦無能署大庾縣典史章全緒心術狡詐均著卽行革職試用布政司經歷李祖憲經手公款擅自挪用著暫行革職所虧款項勒限嚴迫調署大庾縣石城縣知縣陳安謙藉端科罰累及無辜惟才具開展防緝尙勤著開缺另補候補知縣黃宗典因公苛罰怨讟繁興著以府經歷縣丞降補餘著照所議辦理該部知道欽此

二十五日奉

上諭奉天左參贊著周樹模補授右參贊著錢能訓補授欽此

上諭奉天提法使著吳鈺補授交涉使著陶大均補授民政使著張元奇補授度支使著張錫鑾補授勸業道著黃開文補授欽此

上諭林紹年奏勘明豫省被災各州縣請蠲緩舊欠錢漕一摺河南本年入夏以來始受亢旱繼遭大雨山水暴發村莊多被淹沒迨七八月間天復苦旱以致早晚秋禾收成歉薄若將新舊錢漕同時並征民力實有未逮加恩著照所請欽此

二十六日奉

上諭奉天錦州府知府員缺著高樹補授欽此

上諭雲南迤西道員缺著黃丙焜調補欽此

上諭民政部左丞著裕厚轉補劉彭年著補授民政部右丞民政部左參議著延鴻轉補汪榮寶著補授民政部右參議欽此

上諭趙爾巽奏湖北按察使梁鼎芬因病懇請開缺一摺梁鼎芬著准其開缺湖北按察使著陳夔麟補授欽此

上諭趙爾巽奏湖北按察使梁鼎芬因病懇請開缺一摺梁鼎芬著准其開缺湖北按察使著陳夔麟補授欽此

二十八日奉

上諭會議政務處議覆張人駿奏請將水陸提督仍分兩缺一摺據稱廣東盜賊素多河盜爲患尤劇是宜加意防範若僅設提督一員水陸實難兼顧應仍分設兩缺各專責成廣東水師提督著仍以薩鎮冰補授未到任以前著李準署理陸路提督著秦炳直補授欽此

上諭湖北荆宜道員缺著齊耀珊補授欽此

二十九日奉

上諭馮煦奏舉劾屬員一摺安徽試用道童祥熊道員用署安慶府知府候補知府惲毓齡前署太平府知府試用知府任廷枚滁州直隸州知州陳龍瑞署蒙城縣知縣候補知縣王樹鼎署鳳台縣知縣請補廬江縣知縣魏尤錦准補太和縣知縣王毓漢五河縣典史陳副卿均著傳旨嘉獎太平縣知縣萬世章狡滑嗜利民怨沸騰試用知縣喬仁鑑藉差索詐兼嗜冶游試用知縣三晉阿查賑不力民有怨咨安慶府經歷劉士林行爲卑鄙利心亦重前辦蕪湖關稅務候補通判梁文啓行止卑污不知檢束均著卽行革職署舒城縣大挑知縣呂林鍾識闇才庸學務廢弛署南陵縣

知縣大挑知縣王慶嵩才具庸懦馭下不嚴惟文理尙優著以教職歸部銓選試用通判米景行輕躁喜事廬州府通判劉春海年老多病均著以府經歷縣丞降補南陵縣縣丞紀觀海喜事擾民霍邱三河安巡檢鄭文郁私押釀命無爲州巡檢徐德襄嗜賄營私無爲州吏目萬安昌招權網賄旌德縣典史顧尙斫聚賭干政太平縣宏潭巡檢李鴻桂行止不檢試用府經歷藍蔚濫用刑責候補巡檢陳宗壽居心狡詐試用縣丞何棠見利忘義試用州吏目董子敬查賑因循試用巡檢余家璠藉差逞勢均著卽行革職餘著照所議辦理該部知道欽此

光緒三十四年正月初一日奉

上諭朕欽奉

慈禧端佑康頤昭豫莊誠壽恭欽獻崇熙皇太后懿旨醇親王載灃大學士世續外務部尙書袁世凱加恩均著賞在西華門內乘坐二人肩輿欽此
上諭醇親王載灃著補授軍機大臣欽此

初二日奉

上諭上年順天直隸各屬被災地方屢蒙賑卹銀分別蠲緩糧租小民涼可不致失

上諭上年順天直隸各屬被災地方業經前項發帑銀分別蠲緩糧租小民諒可不致失所惟念今春青黃不接之時民力未免拮据加恩著將被災歉收之通州等州縣廳各村莊應征本年春賦地丁錢糧等項並原緩光緒三十三年及節年地丁錢糧等項分別緩至本年麥後及秋後啓征其坐落武清天津二縣地方之津軍廳葦漁課納糧地畝並歸入該二縣災歉村莊一律辦理以紓民力該署督卽按照原奏開明詳細數目刊刻謄黃徧行曉諭務使實惠均霑毋任吏胥舞弊用副朝廷履端布閭嘉惠畿疆之至意該部卽遵諭行欽此

初四日奉

上諭上年山東被災各州縣業經分別蠲緩錢漕小民諒可不致失所惟念今春青黃不接之時民力未免拮据加恩著將被災之濟甯等州縣各村莊應征本年上忙錢漕租課等項均分別緩至本年麥後及秋後啓征其坐落該州縣境內之寄莊竈課與裁併衛所並水利等場均隨同民田一律辦理以紓民力該署撫卽按照單開詳細數目刊刻謄黃徧行曉諭務使實惠均霑毋任吏胥舞弊用副朝廷祥和布澤惠愛羣黎之至意該部卽遵諭行欽此

初六日奉

上諭林紹年奏特參庸劣不職各員一摺河南候補道洪毓孫嗜賭耽嬉玩悞公事候補知府宋承麟顛預多事貽誤要公試用通判陳壽模品行卑污人羞與伍分省通判董頤詭詐嗜利膽大妄爲臨穎縣知縣章炳燾貪黷無厭聲名狼藉汝陽縣知縣張心泰遇案科罰民怨沸騰息縣知縣孔繁潔善於鑽營聲名甚劣林縣知縣廖學沂聽斷失平居心難信汲縣知縣潘毓岱縱丁滋擾品節尤虧署洛陽縣知縣胡金淦嗜好甚深操守難信分缺先知縣恩麟品行卑污才識昏庸候補知縣周榮豫心術險詐嘖有煩言候補知縣金昆凡庸鮮恥衆議不容趙元忠侵沒學款廉恥毫無太康縣教諭呂萬源行止不檢濬縣教諭張霖持躬不謹開封府照磨成壽麟品行不端署永城縣典史劉士燮聲名平常補用副將王殿魁利心甚重補用守備馬永德藉差滋擾候補守備馬文鏊聲名素劣均著卽行革職試用道楊恩慶溺於嗜好才具亦庸懷慶府知府李廷瑞事理不明聲名尤遜孟津縣知縣田務本敗壞學務心性粗浮內鄉縣知縣董駿聲朋比爲非不知自愛太康縣知縣夏聯鈺敷衍因循難期振作試用知縣張鴻森舉止輕浮不知檢束陳留縣教諭徐之瀛通許縣訓導許保忠均耽於嗜好衛輝府經歷戴鴻梅年力衰頹洧川縣典史程端榆官親用事

許保忠均耽於嗜好衛輝府經歷戴鴻梅年力衰頹洧川縣典史程端榆官親用事均著原品休致彰衛懷道馮光元優柔寬縱並不在公汝州直隸州知州松序心地糊塗案多謬誤陳州府通判韓炳性頗喜事嗜好尤深均著開缺回籍汝甯府知府羅維垣謹飭有餘才力過弱著開缺另補餘著照所議辦理該部知道欽此

上諭岑春煇奏查明南洲等廳州縣被水受旱請分別蠲緩遞緩錢漕蘆課等項一摺湖南本年夏秋間南洲澧州安鄉等廳州縣湘河泛漲低窪田畝悉被淹沒濱湖地垵間被冲潰高阜田禾入夏被旱收成均形歉薄若將應征錢漕蘆課等項照常征收民力實有未逮加恩著照所請所有南洲澧州安鄉等廳州縣均著按照被災輕重情形將應征錢漕蘆課等項分別蠲緩遞緩以紓民力該撫即將所開詳細數目刊刻謄黃徧行曉諭務使實惠均霑毋任吏胥舞弊用副朝廷軫念民艱至意餘著照所議辦理該部知道欽此

初七日奉

上諭河南彰衛懷道員缺著石庚補授欽此

上諭河南開封府知府員缺緊要著該撫於通省知府內揀員調補所遺員缺著陶福同補授欽此

上諭河南汝甯府知府員缺著李兆燾補授欽此

初八日奉

上諭馮汝驥奏耆紳鄉舉重逢請旨加恩一摺開缺大學士王文韶早年登第敷歷中外晉贊綸扉前因年老准其開缺回籍現屆該大學士鄉舉之年適周花甲洵屬藝林盛事加恩著賞給太子太保銜以惠耆臣欽此

上諭端方等奏江甯等屬秋禾被災請將新舊錢糧分別蠲緩一摺江蘇江甯等屬上年入夏亢旱秋後連遭大雨湖河泛漲田禾多被淹沒復受風災收成歉薄若將新舊錢糧照常征收民力實有未逮加恩著照所請所有上元等二十六州縣廳繼安等四衛歸併各州縣經征被災田地及未墾荒田營壘廢各田應征三十三年地丁錢糧均著分別蠲緩其上元等州縣廳衛節年未完原緩遞緩各款均著分別展緩帶征以紓民力該督撫卽照所奏詳細開明區圖村莊頃畝數目刊刻謄黃徧行曉諭務使實惠均霑毋任吏胥舞弊用副朝廷軫念民艱至意餘著照所議辦理該部知道欽此

上諭端方等奏江甯等府屬秋禾被災請分別蠲緩漕糧一摺江蘇江甯等屬上年入

夏以來亢旱日久秋後連遭大雨收成歉薄應征新漕若令照常完納民力恐有未逮加恩著照所請所有上元等五縣歉收田地及山陽等二十五州縣勘不成災田地應征上年漕糧及改征折色銀兩均著分別蠲緩帶征其上元等五縣未墾荒田同江都縣及揚州衛營壘廢民地除墾熟啟征外其餘坍荒地畝應徵漕糧米石並折色銀兩著量予蠲免以紓民力餘著照所議辦理該督等卽照所奏詳細開明區圖村莊頃畝及應行蠲緩細數刊刻謄黃徧行曉諭務使實惠均霑毋任吏胥舞弊用副朝廷軫念民艱至意該部知道欽此

上諭端方等奏蘇州等屬秋收歉薄請將應征錢漕分別蠲減緩征一摺江蘇蘇州等屬上年自春徂夏雨澤愆期秋後復連遭淫雨通省收成均形歉薄若將應征錢漕照常征收民力實有未逮加恩著照所請所有長洲等二十八廳州縣拋荒坍廢等田銀米常熟等二縣被災無收田銀米青浦等四州縣被淹未種田銀米陽湖縣被淹歉收田上忙條銀崑山等二縣拋荒蘆價田條銀江陰縣展緩三十年新墾田銀米靖江等二縣被歉無收蘆田課銀著一律蠲免崑山等縣歉收田條銀漕米各等項均著分別蠲免以紓民力餘著照所議辦理該督等卽照所奏詳細開明區圖村

莊頃畝及應行蠲免細數刊刻謄黃徧行曉諭務使實惠均霑毋任吏胥舞弊用副朝廷軫念民艱至意該部知道欽此

初九日奉

上諭福建督糧道員缺著張星炳補授欽此

上諭福建福州府知府員缺緊要著該督於通省知府內揀員調補所遺員缺著智格補授欽此

旨蘇州織造著械興去欽此

上諭馮汝駮奏查明杭州等府所屬各場未墾竈蕩田地請蠲免竈課錢糧一摺杭州嘉興松江各場所屬荒蕪竈蕩墾復無多若將應征竈課錢糧照常征收竈力實有未逮加恩著照所請所有仁和海沙鮑郎蘆瀝橫浦浦東等場荒蕪未墾竈蕩應征上年竈課錢糧准其全行蠲免以紓竈力餘著照所議辦理該撫卽刊刻謄黃徧行曉諭務使實惠均霑毋任吏胥舞弊用副朝廷軫念民艱至意該部知道欽此

十一日奉

上諭開缺山西巡撫胡聘之前在巡撫任內昏謬妄爲貽誤地方著卽行革職其隨同

上諭開缺山西巡撫胡聘之前在巡撫任內昏謬妄爲貽誤地方著卽行革職其隨同辦事之江蘇候補道費景仁已革職知府劉鶚膽大貪劣猖獗爲奸賈景仁著革職永不叙用劉鶚著一併永不叙用以示薄懲欽此

上諭瑞良奏查明江西上年被災各屬分別緩征遞緩新舊錢漕等項開單呈覽一摺江西南昌等府各屬上年春夏之交雨水過多五六月間又患亢旱被災情形輕重不同收成均甚歉薄若將應征新舊錢漕等項照常征收民力實有未逮加恩著照所請所有勘實被災新建等縣並九江府同知所轄之南九二衛及勘未成災民困未蘇之南昌等府縣並安義莊建昌等縣均著將應征新舊錢漕蘆課屯餘分別緩征遞緩以紓民力該撫卽按照原單所開各廳縣村莊頃畝分數暨應緩銀兩米石各數刊刻謄黃徧行曉諭務使實惠均霑毋任吏胥舞弊用副朝廷軫念民艱至意該部知道欽此

十二日奉

上諭湖北提學使著高凌霨補授欽此

十三日奉

上諭京師人烟稠密貧戶孔多食用漲價稍涉昂貴小民生計立形困難近日銀價陡

漲物價因亦增高嗟我黎庶其何以堪著度支部迅卽撥銀五十萬兩發交順天府府尹承領卽責成該府尹妥擇官商銀號代爲賤價收錢以平銀價一面嚴禁各商肆任意抬高漲價其有私運大宗銅元入京者由崇文門監督郵傳部認真查禁倘有奸民私鑄銅元潛銷充斥著責成民政部直隸總督順天府步軍統領嚴密查拿盡法懲治俟銀價物價皆平由該府尹將承領銀兩解繳部庫其賤價虧耗之數准其核實開單奏銷尙書陳璧前在府尹任內辦理銀錢平價尙屬得法並著該尙書會同府尹妥籌辦理務使操縱得法國幣不致虛糜用副朝廷體恤民困之至意欽此

十四日奉

上諭二月初二日祭社稷壇朕親詣行禮欽此

旨烏珍著調補正藍旗滿洲副都統所遺鑲紅旗蒙古副都統著瑞豐補授欽此

上諭趙爾豐奏考查地方各員分別舉劾一摺四川鹽茶道黃承暄永甯道趙藩川東道陳適聲候補道丁昌燕潼川府知府吳保齡石柱廳同知董崇本太和鎮通判朱世鏞蒼溪縣知縣姜秉善太平縣知縣朱達綬據稱該九員均輿論翕然治行可觀

世鏞蒼溪縣知縣姜秉善太平縣知縣朱達綬據稱該九員均輿論翕然治行可觀均著傳旨嘉獎候補通判吳長靖侵吞公款延抗不交著革職押案追繳維州協副將現署懋功協副將張連同糊塗妄爲幾釀事變試用通判李道根辦理釐金致釀事端高縣知縣周廣禧政事怠忽操守難信補用知縣周昌隆歐陽霖俱行止有虧不堪造就大甯縣知縣凌邦燮縱差擾民居心貪鄙試用鹽茶大使馮天爵辦事荒謬罔惜名譽清安性情乖戾不安本分石柱縣照磨張慎初擅受民詞教戒不悛試用縣丞方觀瀛藉事招搖婪索勒取章樹滋行爲苟且幾釀命案候補典史葉樹森猥鄙纏訟不知自愛試用從九品鄭崇詩設局撞騙不知廉恥試用未入流於炳權心地糊塗行爲貪鄙均著卽行革職彭山縣知縣康壽桐差役朦蔽冥然罔覺試用知縣濮文蔚所收罰款抗不交出均著以府經縣丞降補捐升知縣賀恒工於舞弊違章收銀府經歷司徒琨激釀事端並不稟報均著以典史降補名山縣知縣李士則才力竭蹶新甯縣知縣德存性情柔懦巫山縣知縣梁鴻翥才欠開展井研縣知縣陳矩緝捕不力崇甯縣知縣蔣楨文辦事迂緩內江縣知縣梁源淦不勝衝要均著開缺另補餘著照所議辦理該部知道欽此

十五日奉

上諭沈曾植著補授安徽提學使並署理安徽布政使欽此

督院轅抄摘要

三十三年十二月十九日 闔城文武各官均稟安稟賀 江蘇布政使瑞到 金陵船廠趙稟知一律
收工清廠回 水師學堂蔣稟知冬考完竣並放年假 海籌船何監水師學堂考畢 知府盛景濬奉
委偵探兩粵軍務差 下關礮臺官彭由陸軍部回並稟謝蒙賞假回粵辭 學生余慶龍謝委巡防隊
庶務長○二十日 機器局劉稟知停工 候補道羅治霖東臺回蒙加考 奏請以繁缺留省補用
陸軍學堂沈 第一女學堂彭方傳均稟知放學 准補龍山左軍守備戴長勝叩謝部覆 知縣左杖
周奉府委副發審到差○二十一日 陸師學堂俞稟知放學 轅下學務文案余建侯稟知到四區小
學堂總理差 知縣高增秩銷監修轅下花園工程差○二十二日 三十四標統帶艾由北洋閱操回
知府許繇奉察哈爾都統委調查江西江南浙江商務工藝 惠普奉委公園提調差 朱寶榮由松
查案回 准補江甯布理問汪德浩叩謝牌示委署庫大使○二十三日 江蘇布政使瑞赴滬就醫
候補道田吳炤鈞實業學堂兼蠶桑學堂差 程祖福由日本回 知縣向榮稟謝賞給予超委一次
孫筠赴滬公幹 凌啓秀奉准揚道委隨辦河工辭 周召猷到東路二區副巡官差○二十四日 礮
標統帶王 兵備處幫辦程 參謀處幫辦劉均北洋觀操回 副將張春林 三十三標三營督隊官
陳鼎芬均謝委轅下巡查差 湖口船廠汪鳴鑒交卸回 軍械所左稟知封庫 初級師範小學堂梅
稟謝蒙准添派總理並交卸關防仍到兼辦差 候補道郭道直奉委會理貢院改關市場事宜差 知

府英鎮謝委洋務局差遣 知縣孫喬年奉委學務公所總副課長差 李緒田謝委發審局差○二十
五日 銀元局匡稟知停工 三十五標二營孟赴廣德州 三營隊官崇帶前隊赴松江 教練處礮
兵曹紀泰送學生赴保定回 總參議舒稟知講武堂放學 三十五標統帶蕭辭赴松江 十八協吳
稟知三十五標開差 署潁州游擊馬陞謝委 三十四年新正月元旦日闔城文武各官均稟安稟賀
警察局何 法政學堂于均稟知放冬衣畢○初二日 金陵營參將丁出巡○初四日 首府兩縣
稟知迎春○初五日 揚州參將程紹甲到辭 通州關炯到 上海樹木捐局盧懋善由蘇來 湖口
船廠吳到 屯墾廠務陳迺勳到辭 兵備處幫辦游捷赴鎮江巡防營點名 三十五標三營梅稟知
帶隊赴淞江○初六日 下關掣驗孫稟知官錢糧餉開局並鹽局開倉 隨辦滬甯鐵路鍾文耀到
鎮江中軍守備王元明謝卓異到○初七日 蘇松鎮中營游擊董到 周用成叩謝蒙恩給予勞績儘
先酌委一次 按司獄孫念澧到軍械管庫收發差○初八日 記名副都統景賢謝委督中協稟知接
印 候補道李維翰驗收高等學堂工程及馬路工程畢 福右都司陳凱辭叩謝留任兩月辦冬防
游擊武榮陞 左文章均叩謝到標○初九日 候補道趙上達辭赴雲貴 朱潛謝委巡防營務處到
差 通判連祖福奉委鐵路巡查○初十日 候補道李維翰奉札察看車邏壩工並赴蘇 知府汪樹
棠由海州交代算結並通州查案回 陸軍部主事左質泰由京來 署鹽城縣堵稟謝 縣丞馬星源
奉飭赴徐差遣並奉直隸總督飭知蒙保補缺後以知縣用 泰興黃橋司巡檢郭曾基到叩謝海運案

內保獎 釐捐提調陸樹聲奉委揚屬隄工局差 知縣左林周句容查案回○十一日 同知岳昭燭
奉委赴小呂宋運動迎賽會 知縣趙興霽奉委赴江陰察看兵房地基 建安船曾兆麟九江回赴松
江○十二日 統制徐辭赴浙江 候補道汪詠沂奉委淮海營務處 知縣江煥實謝委軍械管庫所
差 李嘉鈺銜安徽警察差回 奏調憲政編查館盧靜遠由京來 軍械所左真知開庫 知縣張應
銘興化縣會算交代回 王元輔叩謝保獎委釐差一次 知府趙之騏 通判趙之驥均叩謝保案○
十三日 候補道李澂奉委驗收軍械所洋房差 知州竇懋森安徽回 鎮江礮臺吳祖蔭交卸回赴
京 巡檢丁三在奉委圖書館差 知府汪樹棠赴蘇 知縣李緒田奉府委江甯幫審差 朱椿林辭
赴廬州分銷 按司獄何亮植叩謝賞給酌委優差一次 知府汪樹棠謝委釐捐提調並赴蘇 知縣
汪贊增奉委署睢甯縣○十四日 奏調憲政編查館盧靜遠辭 候補道曾磐由滬來○十五日 宜
昌川鹽局岑春蔭到 候補道鄭業學驗收各城門工程畢 通判沈承德奉飭札委釐差一次 知縣
陳壽康交卸江浦縣回○十六日 翰林院林世燾由京來 中西醫院瞿稟知開局 候補道潘永齡
察看 陸軍學堂沈炳謙 思益學堂趙西彝 實業學堂委員同知陳祖煊均稟知開學 知縣陳思
禮引見回 中路巡官朱廷燎叩謝保舉部覆 陸師學堂俞 講武堂總參議舒 測繪學堂吳均稟
知開學○十七日 廣東參謀處吳晉到調查軍政 知縣陳思禮 張康仁 黃國梓 仁國均謝委
徐州礦務 知縣熊壽鵬稟知管庫鑰交江煥實接辦○十八日 候補道袁體一引見回 蘇州善後

泰興黃橋司巡檢郭曾基到叩謝海運案

局文案准補句容縣許文濬到

卸署震澤縣張榕禹到

論撰

豐年爲瑞說

〔本報撰稿〕

春在騎年杪留照歲祥霽浙瀝新旭曠曠今年天氣之佳實爲近數年所未覩蓋吾國歲功之成準乎農家之諺臘雪時雨尤爲望歲者所情殷今年春前雪積幾度立春之日微雪灑郊旋出杲日農人皆以爲歲豐之象而元日朗晴上下熙皞七人八穀均見晴明春後有雪亦足爲梅黃有雨之徵識者謂年來時事日棘舉國憂貧殊不知礦產縱富尙待採鍊而成斷無千萬黃金雨足一時之理而惟雨暘時若願慰溝車無論大邑通都商業繁盛苟歲比不登百貨翔貴原料匱乏工藝不興糧食艱窘鳩鵠載道影響所及隨在唏歔由是以思隴簇雲黃村春雪白中含樂歲人語聲譁其爲瑞兆視彼麟翔鳳遊芝生醴涌虛實眞誕爲得爲失又何如也吾國政事最重賑災上下一心殫竭精力誠感所屆遂兆祥和今茲豐穰有象何一非 朝廷煦嫗之仁大府奉揚之力因之群工百職事竭蹶呼籲奔走挹注使蜚不爲災鴻能安澤猗歟休哉上之仁民亦如天之仁民天心仁愛有不降康赤縣屢歌豐年也乎獨是天心可恃而人事尤不可不齊上力雖勤而下職尤不可不盡蒙江南人竊見江南水利不興溝渠湮沒人民奸惰占塘爲田臨其地者百不究

問而於祈晴禱雨辦香跪拜若不憚煩以爲民倡漢丞相王嘉言敬天以實不以文豈天果可以祈求而應乎必如前兩年之辦賑實心愛民活人無算籌款以千萬計如是乃真能以實心敬天者所以今年天心感應示以豐徵如此竊願分符州邑之人此後皆能實宣上德以農田水利爲課最之書以實心養人爲不負委任庶幾穀我士女粒我蒸民同遊於化日光天之下而含哺鼓腹樂爲盛世之黎氓也

安徽池州府松玉亭太守墀府中學堂開校演說文

〔來件〕

余恭膺 簡命來守是邦忽忽又逾一載矣下車之始卽與邦人士往復磋商以興辦府中學堂爲有一無二之急務徒以經費奇絀無所取資不得不率同各屬宰官捐資爲倡池紳周玉帥復慨捐鉅金撫憲馮夢帥提撥款項王子裳太尊提倡於先今督憲端午帥又分飭池紳之官甯者協力籌捐雖未見寄終必有成惟余自愧督辦之無效不能速告成功以副此邦人士喁喁之望今幸地方諸君子銳意經營不遺餘力始有此成立之一日諸生不以規模爲簡陋負笈擔簦接踵而至欣幸何似顧今日爲本堂啟校之期縷縷之忱有不能不爲諸生告者

自 朝廷停罷科舉興辦學堂其所以待學生者至厚且優其所以望學生者至深且遠近有少年佻達之士謬竊一二平等自由之緒論橫肆狂言及進而叩其藝術之程度若何學科之階級若何則有結舌而不能伸瞠目而無以對所謂能守自治之規則保安甯之秩序者安在舍本而逐末驚華而絕根余未見其能有濟也敬告諸生一宜戒妄考泰東西各國其年八歲而不入學者父母有罰今中國雖未足以語此然以一郡之大聰俊穎秀之士奚止千百而學額僅能容此數諸生得以捷足先登亦是幸事雖開辦伊

始所定理化法律各學科尙須俟之異日然較之高等小學教授之法其階級已有判矣
學問之道有循序無躐等有進境無止境今諸生中其程度淺者固宜不憚研求卽程度
稍高者亦正可力求精進有今日因卽有他日果此公例然也語云千里之行起於足下
百尺之臺基於平壤所望諸生交勉之焉敬告諸生二宜戒惰

學堂爲敬業樂羣之地求學爲忍苦耐勞之時古之君子雖至於環堵蕭然不蔽風雨且
有泰然自得者日本爲東亞最文明國其學生皆裹飯入校黃蘗數片雜冷飯盛之名曰
便當今學堂定制服食起居務求完善兢兢然注意於衛生爲學生者正可以專心致志
勉爲有用之材乃或以飲食之端而動滋異議一冠履之細而競尙浮華此種學風不特
與中國舊道德之學既相矛盾卽按之泰東西大儒堅忍刻苦之功詣亦相刺謬也敬告
諸生三宜戒奢

諸生能兢兢於此則一身之名譽彰池州學堂之名譽彰學成之日或由本校而進專科
或由本校而升高等將來出其所學以濟時艱以維社會則少年幸福在是公共利益在
是至於獎勵出身之末不足增諸生之價值也言不盡意尙其勉旃

內政

修訂法律大臣沈奏刑律分則草案告成摺

奏爲刑律分則草案告成繕具清單恭摺仰祈 聖鑒事竊臣於本年八月間進呈刑

律草案總則清單請 旨飭交憲政編查館考核並附片陳請展限一個月將分則續

行呈進等因均仰蒙 俞允欽遵在案嗣臣恭膺 簡命復領斯職乃分飭館員一

面部署新館事宜一面仍將分則昕夕校錄以竟前緒查刑律總則爲全編之綱領分則

爲各項之事例夷考中國刑書之目次以李悝法經爲最古所謂盜賊囚捕雜具六篇是

也漢蕭何益爲九章叔孫通益爲十八章復得馬融鄭康成諸儒爲之章句資於誦習功

俾六經雖其書散亡而分晰之源流具詳晉書刑法志卽漢律之佚文賸義猶散見經疏

史注尙可襲集成帙歷魏晉以迄南北朝世有增損唐貞觀時詔長孫無忌等循武德之

舊撰唐律分名例衛禁職制戶婚廐庫擅興賊盜鬪訟詐譌雜律捕亡斷獄爲十二篇文

例加密其後大中統類宋之建隆刑統元之聖政典章明之明律及問刑條例等卒莫能

軼其繩墨之外此古今沿革之大較也竊維法律之損益隨乎世運之遞遷往昔律書體

裁雖專屬刑事而軍事民事商事以及訴訟等項錯綜其間現在兵制旣改則軍律已屬

陸軍部之專責民商及訴訟等律欽遵

明諭特別編纂則刑律之大凡自應專注於

刑事之一部推諸窮通久變之理實今昔之不宜於襲也是編修訂大旨折衷各國大同之良規兼採近世最新之學說而仍不戾於我國歷世相沿之禮教民情集類爲章畧分序次春秋之義首重尊王故以關於帝室之罪弁冕簡端內政外交爲國家治安之基本而選舉尤立憲國之通例也故以內亂國交外患洩漏機務瀆職妨害公務選舉次之爲維持社會之交際宜注重於公益故以騷擾囚捕僞証誣告水火危險物品交通秩序貨幣官私文書度量衡祀典鴉片又次之文明進步端於風俗驗於生計故次以賭博姦非水源衛生而國民之私益應沐法律保護者莫如生命身體財產故以殺傷墜胎遺棄逮捕監禁略誘和誘名譽信用安全秘密竊盜強盜詐欺侵占贓物毀棄損壞綴其後焉事增於前文省於舊合諸總則凡五十三章三百八十七條顧或有以國民與審判官之程度未足者竊以爲顛蒙之品彙不齊而作育大權實操自上化從之效如草偃風陶鑄之功猶泉受範奚得執一時之風習而制限將來之塗轍此不足慮者一各省法政學堂依次推廣審判人才漸已儲備即使驟乏良選正可因試行新法之故而盡力於培養之方不宜懲羹止沸遂咎新法之難期實行此不足慮者又一况列強競峙非藉法律保障不

足以均一權勢而杜覩視本年荷蘭海牙保和會提議公斷員一事經外務部暨專使陸

不宜懲羹止沸遂咎新法之難期實行此不足慮者又一况列強競時非藉法律保障不

足以均一權勢而杜覬覦本年荷蘭海牙保和會提議公斷員一事經外務部暨專使陸增祥等往復抗辯懸而未決然來屆會期爲時甚速雖貽亡羊之悔宜爲蓄艾之謀此尤臣所鯁鯁過計者也編輯既竣仍依總則體例分沿革理由注意三項逐條銓識敬謹繕具清單恭呈 御覽伏乞 飭下憲政編查館歸入前案一律照章考核請 旨

施行所有進呈刑律分則草案緣由謹恭摺具陳伏乞

皇太后

皇上聖鑒謹

奏光緒三十三年十一月二十六日奉

旨憲政編查館知道欽此

法部咨軍流人犯到配隨帶家屬安置章程文

據准前江蘇巡撫陳咨稱據署按察使朱之榛詳稱奉批高瀆縣詳軍流實發人犯新例到配後應加監禁似應令毋庸隨帶家屬乞示飭遵等因止在核辦間復奉批前升司詳送六合縣安置貴州貴筑縣流犯田三葆到配印收聲明有子天爵隨行如何安置應併入高瀆縣請示案內妥議辦法查明稟復以便核撥在案查軍流遣犯情願帶妻室子女者例聽其便現雖強盜搶奪會匪棍徒等犯新章到配尙須監禁而竊盜及雜項爲常赦不原仍解配毋庸監禁者尙多正不必代爲限制即盜匪等項雖有妻子俱不願隨往歷年解配人犯求其有妻子隨行者百不獲一果其情願隨行則其人尙有家室之戀可保其在配安分不至圖脫前新疆巡撫劉 奏請將免死減等及秋審減等人犯發往助興屯政會議及在配脫逃者類多隻身之人請僉同妻室子女赴配確有見地如解配之犯尙須監禁旣帶有妻子無妨酌令在

外安置俾就近省視亦仁人之用心今該縣解到流犯田葆三有子田天爵隨同到配則其不忍老父單身遠徙之意亦可見孝心即使田葆三實應監禁亦當推錫類之仁設法量爲位置况查咨册原犯係窩竊擬流不在新章指明監禁各項之列自應於收所時或令其子隨同在所習藝或另自在外營生由縣詢其志願酌辦此後如有解配應監禁或收所之犯帶有妻室子女者必尙有資財可度如其貧難無妨由配所州縣量爲安插強壯者可令工作衰老者或酌照孤貧之例給予口糧大抵此等親屬隨行之犯甚屬寥寥即由各牧令稍捐廉俸以濟之亦屬無幾而澤及囚屬亦仁政之一端等因咨部核覆並請通行各省一體遵照前來查律載犯流者妻妾從之父祖子孫欲隨者聽遷徙安置人家口准此等語原以妻妾非應流之犯而父祖等非應隨之人其必使之從而不禁其隨者蓋冀其有家而安並得隨其就養之願也嗣乾隆年間將僉妻之例刪除於是律應僉發者皆不卦配然有情願隨帶妻室子女者究爲例所不禁是有以聽其自便不得官爲資送之條所以示限制而寓體恤者至周且摯惟是現行新章內罪犯到配有監禁不監禁之分與從前情形迥異其在尋常竊盜及一應軍流各犯到配卽應須作工尙無難量爲安置然爲強盜搶奪會匪棍徒等項照章必須監禁設有妻子隨往若一例予以羈管旣與本犯不同倫必禁其隨行又失定例優恤之意卽謂此等犯屬願隨者本屬無多但旣非例所應禁之人豈得不妥爲籌及茲據該撫咨稱六合縣解到流犯田葆三有子田天爵隨同到配田葆三原犯係窩竊擬流不在新章監禁之例自應令其子在所習藝或在外謀生由縣查詢酌辦並以應行監禁之犯帶有家屬

不在新章監禁之例自應令其子在所習藝或在外謀生由縣查詢酌辦並以應行監禁之犯帶有家屬者亦應酌予安插俾得就近省視等語係爲矜恤囚屬起見應如所咨嗣後如有解配應行監禁或收所習藝之犯帶有妻室子女係強壯者責令在外工作衰老者照孤貧例給予口糧如有不敷由地方設法捐濟仍比依刑部現審人犯已結各案之例詳令該親屬一月兩次入視若本犯毋庸監禁而子孫愿同隨在所習藝者並聽其便以示體恤再此項隨同家屬除奉天省向不安插軍流似毋庸議其各該省到配人犯如有似此者均應仿照辦理第查罪犯習藝工所前經本部 奏准通設以後迄未據一律報齊其實有尙未開辦無工可作者應飭由該配所州縣別謀安置俾無失所仍令迅將工廠次第成立以重要政而符定章相應咨覆該撫並通行各省一體遵照可也

附咨江督文

爲通行事宥恤司案呈所有前專相應抄單行文該督並轉行江甯將軍京口副都統一體查照可也須至咨者

江督端咨復民政部文（爲舉辦地方自治情形事）

案照光緒三十三年十一月初四日准貴部咨近來迭奉 諭旨通行各屬舉辦地方自治著民政部

妥議章程並飭將各府州縣議事會預爲籌畫又本年欽奉 上諭各省官制著直隸江蘇先行試辦

地方自治爲立憲根本要圖究竟鄉官已否實行自治局及自治研究所已設有幾處議事會董事會何處已經成立何處尙在籌畫咨行轉飭所屬限於三個月內將已經設立之鄉官自治局自治研究所議

事會董事會等舉凡章程地址組織成績開具表冊彙齊報部以憑考核等因到本部堂准此查地方自治爲憲政之基礎本年八月間欽奉 諭旨各省擇地依次試辦地方自治當經行司籌議並派員赴天津考察自治局章及辦理情形嗣於十月間本部堂做照天津自治局章制於甯城設自治局從上江兩邑先行試辦派委調補奉錦山海道朱恩紱江南鹽巡道榮恆候選道宗舜年署江甯府知府許星璧爲局長民政部七品小京官善傳前浙江候補知府伍元芝署上元縣知縣田寶榮署江甯縣知縣龍曜樞補用知縣羅良鑑爲參事於十一月二十六日開局籌辦並設諮議局派自治原委各局長參事先行討論預備在案惟自治局甫經創辦所有應設鄉官及自治研究所議事會董事會各事宜應由原派各員尅日切實籌議次第施行並飭將擬定章程及一切辦理情形開具表冊詳細呈候咨報貴部查核其省外各屬卽責成各府廳州縣一體實力舉辦并確查轄境內曾否設有自治研究所議事會董事會等項有無訂定章程組織成績一併列表造冊依限呈送以憑彙案咨送貴部核查除分行外相應先行咨復爲此合咨貴部請煩查照施行

淮揚海道楊觀察詳復擬定海贛兩處海口礮艇沙船查禁米糧賞罰章程文

爲詳覆事竊奉憲札以米糧出口大與民食有妨久經遵 旨嚴禁海州口岸尤爲奸商積慣私販之區迭經札飭代理海州謝牧切實查辦並派礮艇沙船嚴密梭巡在案惟聞從前各處礮船兵丁往往得受奸商規費私自放行以致大宗販運出洋肆無忌憚現在礮艇沙船駐紮海口梭巡責成甚重誠恐奸

商故智復萌希圖嘗試自非明定賞罰不足以示勸懲應卽飭由淮揚海道體察情形將礮艇沙船查禁米糧出口於照章提賞之外究應如何明定賞罰章程悉心籌議定於文到三日之內詳覆以憑飭遵等因奉此查海贛兩處海口前奉飭派礮艇沙船駐紮梭巡節據查獲私販數起由查禁局稟報到道均經隨時批飭照章提給一半充賞其餘一半變價充公撥作查禁局用經費將來彙案造報訪查各船管帶辦理尙屬認真惟恐日久玩生難免鬆懈自非明定賞罰不足以示勸懲擬請嗣後各礮艇沙船管帶如能認真辦事在海口拿獲私販一起者除照章提賞外將來每案請記功一次從優獎拔倘敢得受奸商規費私自放行一經訪查得實或被地方告發卽照坐贓例分別計贓從重治罪似此明定章程自必咸知懲勸且奸商行賄未必能逾充賞一半之數當可無虞再有私販情弊是否有當合將遵飭酌議賞罰章程具文詳復仰祈憲臺鑒核俯賜批示以便移行遵照辦理（後略）

督帥批 據詳所擬礮艇沙船稽查米糧出口賞罰章程甚屬允協嗣後各礮艇沙船管帶如能認真巡緝在海口拿獲私販一起者除照章提賞外每案記功一次如係大宗米糧或歷年積慣私販之人訊明得實並准從優獎拔倘敢得受奸商規費私自放行定卽計贓從重治罪決不姑寬仰卽分別移行遵照辦理仍錄報提部堂查核繳

江甯府許守星璧等會詳議復職商張光九等稟米價奇貴請興利除弊文

爲會議詳復事竊奉藩司札奉憲臺批職商張光久等稟歷年米價奇貴百姓受累乞興利除弊並附條

陳由奉批米價昂貴由於囤積使然自歷來通弊該職等稟陳各條不爲無見惟辦理不善轉滋流弊究應如何設法整頓以紓民困之處仰甯藩司督同江甯府許守體察情形妥議章程詳復核奪稟發仍繳等因到司奉此合將奉發原稟札發札府立即遵照刻日妥議整頓章程詳復督憲核奪仍將原稟徑繳備案並詳報本司查考等因並發原稟到府又奉憲臺札同前由奉此查此案前據該職商等稟奉憲臺批示由藩司轉行到府並據來府具呈均經知府分別轉行批示在案茲奉前因伏查該職商等原稟以近時米價騰貴由於鉅商囤積所致請撥積穀公款開辦常年官米局一所以抵制之查奸商囤積居奇本干例禁前據該商具稟即經知府督飭知縣等嚴行查禁以顧民食至售賣官米雖與平糶不同然一切虧耗用費亦所不免如果常年開辦公家穀款幾何必有不敷之患且積穀所以備荒若平時輕率動用設遇饑荒倉穀無存從何措手而奸商鉅賈轉得乘此米缺價昂之際壟斷居奇顧目前而不顧久遠非萬全之計也至稱向作糧食生意只准堆米千石一面調查購貨帳簿如有逾限照價發還穀本交由官倉收售等情夫糧食行店生意大小如有不同石數多寡豈能概定應由知府督飭知縣等分派妥友在於城鄉市鎮密加訪查如有奸商購運大宗米穀實係囤積居奇即行提案研究並將米穀酌罰充公以示懲儆似此核實辦理於事較爲有濟若調查簿據紛紛攘攘徒滋擾累推該職商等疊次具稟之意無非爲保全民食起見特未統籌全局致有窒礙難行除請禁止囤米一節業經從嚴查禁外其餘各節應請毋庸置議萬一米價有增無減窮民日食維艱自當由知府等體察情形或售官米或辦平糶隨時

應請毋庸置議萬一米價有增無減窮民日食維艱自當由知府等體察情形或售官米或辦平糶隨時酌量稟辦以紓民困是否有當理合遵飭會議詳復並將原稟呈繳仰祈憲臺鑒核俯賜批示祇遵

督帥批 查閱詳議各節所見甚是仰江藩司飭卽督同上江兩縣隨時密查遇有行戶儲積大批米糧卽諭令平價出糶倘敢抗違不遵並准提案罰辦以杜囤積而保民食此繳原呈歸檔

八旗教育分會會長善溥等申請委派旗員充當江南自治局職員文

爲申請事竊以前奉 諭旨設立自治局者南北洋先行試辦等因欽遵在案現奉憲臺設立江南自

治局委派地方紳士充當職員但地方自治爲預備立憲之基礎旗漢界限既經破除自治規條似應視同一律伏查憲設自治局所委均係漢員江甯駐防亦江南之一部分將來滿城地方事件如果附屬該局轄治則駐防未奉委人恐交涉不能融洽抑或另設一局專爲駐防自治尤恐有畛域之嫌我憲臺惠愛旗民既深且厚當必有一定之目的對付八旗會長等學識庸愚莫衷一是但以忝居學界既有所見敢不瀝陳理合備文申請仰祈憲臺鑒核批示祇遵

督帥批 據稟已悉甯省現設地方自治總局係從上江兩邑先行試辦江甯駐防乃省城地面自在試辦範圍之內亟應遴委諳悉駐防地面情形人員入局辦事以期周妥仰候會同將軍遴員委辦此繳江蘇預備立憲公會擬呈督撫兩院諮議局選舉章程文

呈爲遵 旨組織諮議局公擬章程仰懇核飭遵照事竊紳等恭讀本年九月十三日 上諭著各省督撫均在省會速設諮議局慎選公正明達官紳創辦其事卽由各屬合格紳民公舉賢能作爲該局

議員斷不可使品行悖謬營私武斷之人濫廁其間凡地方因革事宜議員公同集議候本省大吏裁奪施行其各府州縣議事會一併預爲籌畫等因欽此仰見 朝廷推行憲政挈領提綱之至意傳誦之下感激難名浹旬之間父老子弟交相奮勉皆曰我 國家億萬年有道之基胥在於是我大公祖既仰體

朝廷之心以爲心卽我江蘇士民亦當體大公祖之心以爲心若能尅日興辦首觀盛化之隆豈非上願於是相與召集甯蘇兩屬各府廳州縣士紳於上海會議數次妥擬章程僉謂本年五月間曾蒙督撫憲承准軍機處片交前兩廣總督部堂岑奏謹擬預備立憲階級一摺札發司道核議當經瑞升道照會在滬江蘇教育總會等十二團體公同擬議旋由十二團體會議公舉起草員七人研究兩月之久作成草案又經十二團體逐條通過均已公認查此項章程皆依據法理並採取各國地方議會制度及天津自治局章程參酌而成原期通行於各省既經多數人之公認則我江蘇自可適用似無須更擬考其大綱分議事會參事會兩部議事會以合格之紳民公舉賢能組織之爲全省之意思機關但有議決之權而無執行之權斷不容絲毫侵佔辦事界限參事會以督撫司道及公正明達之紳士數人組織之爲全省之行政合議機關於執行之際實有完全無缺之權亦斷不受議事會絲毫之侵佔此與各國地方制度及中國行政官廳之體制均無不合至議員之額數選舉之方法會期之疏數亦與江蘇情形恰合並無窒礙難行之處用敢敬謹繕呈叩求明示至現時組織之法擬先在省城設立選舉局專辦選舉之事另訂專章由各府廳州縣選舉員開報選舉局彙齊造冊詳請大公祖察核認可然後開辦其選舉章程

一伊附呈鑒核至各廳州縣議事會應一面飭令各屬趙辦至諮議局成立後由諮議局官紳督促尤易集事總之諮議局成立之日即受行政官廳之指揮監督其議決事項即恪遵 諭旨候本省大吏裁奪施行斷不至有紛撓之弊故紳等亦不復存觀望之心爲此具呈伏乞大公祖大人俯賜鑒核批示祇遵俾立憲之宏規先建立於岬嶮之下庶盡臣之碩畫足上慰夫 宵旰之勞不勝屏息待命之至謹呈

江蘇諮議局員選舉章程

第一章 總綱

第一條 本章程爲江蘇省諮議局員第一次選舉暫行章程呈請督撫批飭施行之

第二條 本章程爲酌合目前情勢於原定諮議局章程選舉各條所有變通之處各附理由說明之

第二章 選舉資格

第三條 省諮議局議員由本省所屬各廳州縣合格之紳民中選出(一案原定諮議局章程第四條諮議員由各廳州縣議事會議員中選出本章程云由各廳州縣合格之紳民中選出蓋第一次選舉時廳州縣會尙未成立故也)每一廳州縣各舉三人但二廳州縣以上同城者得不分廳州縣界依總數通選(直隸廳州之直轄地等於一廳州)

第四條 凡本廳州縣人民年在二十五歲以上公止明達而具左開各項之一者得爲諮議局議員

一有政治經驗或明習法政或學術高尚德望素著者 二紳富熱心公益已有表見者（案熱心公益必須獨力倡辦一事或捐助鉅款者方為合格） 三興辦實業著有成效者（案實業之資本必須在一萬以上方為合格） 合前列各項資格之一者不論現在本籍與否以能應每年一月之常會及其他臨時會並生計可為名譽職者為限

第五條 凡有左開各項之一者不得為諮議局議員 一犯國律載明之刑罰或因私罪褫革者 二為不正當之營業者 三失財產上之信用確有實據而尚未清了者 四有心疾者 五吸食鴉片烟者（案原定廳州縣會章程中停止選舉權條下有曾受地方公費周恤一條本章程無之以合於第四條之資格者決不復有此等人在其中也）

第六條 凡有左列之身分者不得為諮議局議員 一現為本省幕職 二現為巡警職役 三現為胥吏（案原定廳州縣章程中有軍人學生僧道宗教師各項本章程無之其理由與前條同）

第七條 上海南北市及淮南北鹽商得於各廳州縣定額之外特別選舉諮議局議員上海南北市合選三人淮南北鹽商合選三人其選舉方法上海由商務總會總工程局淮南北由鹽商公所自理之（案此條為江蘇省所獨有故原訂諮議局章程無之將來江蘇諮議局依原訂章程實行應將本條加入）

第三章 選舉機關（案以下各條原定諮議局章程皆無之蓋依原訂章程第十條之規定關

第三章

選舉機關(案以下各條原定諮議局章程皆無之蓋依原訂章程第十條之規定關

於選舉細則當由各廳州縣議事會決議施行今第一次選舉無廳州縣會故有左之規定也

第八條 本章程之選舉由督撫在省城設立選舉局派員爲選舉局長執行之關於選舉事務選舉局

對於各廳州縣有督催之權

第九條 本章程由選舉局札發各廳州縣限五日以內公布

第十條 本章程自公布後卽由本廳州縣長官照會勸學所教育會及商會調查本廳州縣之合於第四條之資格者限十五日內開報彙齊造冊前項之名冊當置公處縱覽三日無異議然後申送選舉局但關於私事不得爲異議之口實自公布至申送其期不得過一月

第十一條 選舉局自接到申送名冊後十日以內規定投票細則札發各廳州縣舉行選舉

各省要聞彙誌

江甯 ●督憲札贛省各州廳縣文云各牧令審斷顛預民情不服或因延擱要案濫押無辜當經特札通飭認真清理專案稟覆嗣因各屬稟詞敷衍並有率用申文及延不稟覆者覆經開單行司勒催各在案迄今將及一年各牧令泄沓如故以本部堂特札飭辦並迭次嚴催之件尙敢玩忽因循是該牧令等平日於訟獄一事漠不關心玩視民瘼已可概見言之深堪痛恨本應立予撤參姑再列表札催所有表格內靖安弋陽等九縣應由司及該管府遵照前批分別委查據實稟辦永新等十八廳縣飭另遵照批札另行詳晰稟覆其延不稟覆之南昌等四十州廳縣亟應由司各記過二次移會藩司計

冊以示薄懲仍限文到十日內迅速遵飭專案稟覆並責成該管府隨時馳往所屬各廳州縣查明詞訟命盜案件有無隱匿監羈各犯有無濫押疲斃逸犯會否弋獲據實稟揭至於監獄迭奉

諭旨

飭令切實改良尤應嚴飭就地籌款趕緊修改並多設罪犯習藝所以期化莠爲良是爲至要

江蘇 ●蘇撫憲陳伯帥奉政務處飭辦地方自治及諮議局以預備立憲等情伯帥已札行藩司除通

飭各屬一體籌辦外並由朱方伯札委知府陸太守籌議設立省城兩局卽委太守爲該兩局參事

安徽 ●皖撫馮中丞獎諭英山縣郭令文云所稟欲蘇民命先在嚴除差弊差弊不除一切善政均托

空言尤爲洞見癥結之語該令視民事爲己事盡以應盡之心不欲見好地方亦不惜因此受謗充類至盡何事不可舉何功不可成正不獨清訟恤囚已也至紳界學界中有藉端漁利挾制官長該令訪聞確實稟請懲辦毋稍姑息去稂莠以植嘉穀除害馬毋令敗羣本部院亦不能爲若輩寬也仰按察司卽飭遵照

江西 ●江西饒州府張太守檢自到樂平縣辦理清匪及善後事宜後以調查該縣境內現設學堂除縣城西鄉四五處外其餘各鄉卽訓蒙私塾亦絕無僅有且民情強悍性好械鬥故夏病意一優伶下賤竟能煽惑人心兩次糾衆倡亂推原禍始均由飽暖無教罔知利害有以致之因擬辦鄉村警察並設演說社卽在防次酌擬鄉村警察暨演說社章程又於警察統章內設立調停會細目專弭械鬥縣城內並設保安總局薈萃城鄉警察調停會演說社諸務以爲合縣機關總部以期城鄉官紳士庶上

城內並設保安總局蒼萃城鄉警察調停會演說社諸務以爲合縣機關總部以期城鄉官紳士庶上下通情力祛向來隔閡之弊現已札飭樂平縣令嘉年李縣丞肇濤並諭在籍知府後汪紳呈請內閣中書馬紳鯤分省府經歷袁紳希祖等查照定章切實興辦一面並將告示章程等稟請省憲核奪附各國政治紀聞

神戶海拉報紀倫敦電云法國巴黎警署以犯者日益衆由於懲辦太從寬典之故現已警告民政部謂巴黎警察約止二千名近來所釋罪犯雖經飭令速即離境無奈半皆怙惡不悛餘仍逗留巴黎云文滙西報云德相波羅親王在普魯士議院宣言云德政府斷不許議院之選舉法律在普魯士施行其法律即云凡二十五歲之德人均有秘密直接選舉權現行之律政府亦允更改但秘密選舉權則不肯給與民間其時有社會黨多人聚集議院門外一聞德相之語即行滋事旋經警察前來干預將其解散波羅親王一聞警報即在議院聲言此等行動萬難動政府之意一千九百零九年選舉之事恐政府必嚴守中立而不肯預聞也

字林報云有斯篤空報館中人往見瑞典王王謂加冕之禮殊屬無謂開議院之禮未免過古故須從簡而行方爲妥適

外交

出使和國大臣錢奏萬國保和會會議情形摺

奏爲恭報保和會務完竣瀝陳各國會議暨我國應早日豫備下次預會情形恭摺仰祈 聖鑒事

竊臣奉 命兼充保和會議員該會於五月初五日開始臣卽會同專使臣陸徵祥赴會預議頃於九

月十三日會務告竣所有會議訂約情形由臣陸徵祥專摺奏報臣維和會關乎全球國際謹就數月來在會聞見所得與夫愚慮所及者爲我 皇太后 皇上縷晰陳之查此會西文名爲第二次和

會蓋別於光緒二十五年第一次和會初會議創自俄故俄爲會主今屆議創自美而俄不甘讓仍爲會主各國雖不免退有後言而交誼攸關亦勉爲承認初次赴會者二十六國今增至四十五國可謂盛已臣親接各國所派議員大率以國際法律學爲首選而海陸軍學輔之聆其所陳說其所辯論立意本非等泛常發言尤不肯輕讓無非各自顧本國情勢以趨利而避害然國派不同國力又異故恆有提議經日或甲是而乙非或乙贊而丙否詞鋒橫厲滿座動容徒以各有主權不受牽制卒至所議中輟空懸虛願者有之此和衷商議之難言而意見齊一之尤非易事也初次和會本以限制軍備爲名今屆英國亦首以爲言迨議及此端率皆相顧失笑蓋各國方競強之不已又誰肯自戢其雄心且所議種種問題皆關於海陸戰事推其意不過定一法律姑示準繩使知戰時殘酷行爲爲近世文明所不取故若者不可侵犯若者責令賠償以冀稍有範圍俾事後據以評斷然且恃強者勝不强則理雖直而其勢恆處於窮

至不幸而果遇兵戎倉卒之間必謂事事遵守條約卽令各議員設身自處恐亦徒有此理想而已說者謂初次和會畢而有英特之役有日俄之役今屆和會方始而有日韓之事有法摩之事雖謂天下未嘗一日無兵爭可也此減少軍備之難期而消弭戰禍之不可信也英美素持和平主義者也今修改國際裁判約英有關於治外法權不得請判之條美有支配裁判員任期區別國等之議至於萬國捕獲審判所一約附列派員任期表又指明英德法美義奧日俄爲八大國其餘皆目爲小國可知矣夫國無大小強弱焉耳強弱之別視其國之政務法律海陸軍各大端之完缺如何在會中列表比較固無可遁飾故無論何國一預公會卽不啻自表其國之列於何等而彼數大國者又不免恃其權力之大借法律以制人而自便有時欲有所發議則互相鼓說以動人有時欲有排議則隱爲牽掣以立異故南美三數小國如巴西如阿根廷之議員素以法學著稱者常時對衆宣讀意見書洋洋數千言與各大國辯論至謂此會名爲保和實類挑戰雖言之過激然據公法以立言卒亦無以難之以此見強弱等差之難泯而外交競爭之日益加劇也臣外顧全局內顧本國倘非從以上所謂政教法律海陸軍各大端提挈綱領力求實際則下次和會彼列強又不知規何種對我之法夫分言之則曰政教曰海陸括言之則法律實無所不包所謂綱領是也法律不僅在文字在乎人民之學術尤在乎朝廷之精神臣聞各國政府距今會一年前自俄政府通文發出後已早選員在各本國研究各種法律以專備臨時應付故凡在會發議決議具有灼見真知而操縱無不如志今會中擬於西一九十四年當我光緒四十年舉行第三次和會而先

三
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

於一九一二年即我光緒三十八年發表議題集員探討以便會議時易於解決各國均已允從臣深幸有此數年天然期限爲我國參訂法律研究國際之難得機會擬請由部臣一面將此次會議已成文之條約及未成文之議論速行刊布廣徵內外臣工新學後進之意見何者有利可行何者有害宜避使達於部而部臣綜核而研究之以期洞悉竅要一面預備深通中國舊學之法律家會同深通列國情勢之外交家輔以兼通中外文字之新學家組成一研究會專事內訂國律以間執彼口外採彼律以期協公理修律之實行在是預會之豫備亦在是人材之培植亦在是務於光緒三十七年以前俾國法國際法均確有眉目然後於光緒三十八年第三次和會議題發表時與各國抗衡印證如是則光緒四十年之會乃不至虛預倘屆時我法律果臻完備人才果足應用如日本今日在會之事事儕於强大豈非我國家莫大之幸福惟此數年之歲月易逝而參訂研究之關係極大應如何豫備開始使內外合力考訂之處伏候 聖明飭下外務部內閣會議政務處暨考察憲政大臣各出使大臣詳晰妥議奏覆施行臣身列和會見外情之迫切爲先事之綢繆懃直陳詞不勝悚息屏營之至所有微臣赴會既畢並籲請考訂法律豫備下次預會緣由恭摺具陳伏乞

一月二十一日奉

硃批該衙門議奏欽此

皇太后

皇上聖鑒謹

奏光緒三十三年十

各省要聞彙誌

江甯 ●南洋大臣端午帥札文略云北洋洋務局續纂乙已交涉要覽業經派委祿令德赴津提取回

甯查此項交涉要覽係與前纂約章成案匯覽相輔而行爲辦理交涉所不可少之書自應查照前發約章成案之數分發各該司道府廳州縣各學堂局所妥慎留存作爲官物專案移交不得損失致干追賠計發甯蘇兩屬各府州廳縣及各藩臬學司運司各關道江甯法政學堂各二部又甯蘇各洋務商務局及兩江師範高等水陸師警察實業六學堂並安徽省各府州廳縣各一部江海關道二十部每部應繳還原價庫平銀一兩八錢均解江甯藩庫歸款又咨送各撫院及江北提督各二部並留存督署十五部共二十三部書價由司庫外銷項下撥還歸款尙餘一百十五部發交江甯官書局代爲銷售繳價歸款

安徽 ●美商劉懋恩在蕪湖續購地基拓充油池屋址一案關道因未查明其中有無糾葛未將契紙蓋印給執乃美領以逾前議十八個月期限遽欲建築油池文道查核定約須得官場允許之確據始能興築今契尙未鈐印率以逾限爲言殊不知契紙蓋印之日始爲議約起限之期因而與之交涉

江西 ●江西南康縣英美兩國教堂損失業經江道與和馬二教士議結其餘教民損失之財產共六十三家現經代理該縣毛令敬詮與和馬二教士議定卹款並立議約七條稟報省憲奉贛撫瑞鼎帥批該縣會同和馬二教士確查耶穌教民損失籌款立約分別卹償辦理極爲迅速所呈議約七條切實平允嗣後該地方官果能照約辦事自足以和民教而保治安已批仰洋務局會同布按兩司轉飭

學務

江督端奏兩江師範學堂經費飭蘇皖贛三藩司籌解片

再兩江師範學堂經前署督臣張之洞創辦爲造就甯蘇皖贛各屬中小學堂教員之地章程完備規制精宏實關三省教育命脈所需常年經費奏准每年江蘇藩司協籌銀四萬餘兩安徽江西兩省各按學生額數每名每年協助龍洋一百元稍資津貼不敷尙多由江甯藩司在銅元餘利項下按數撥支在案自開辦以來蘇藩司每年應協銀兩亦經議定將甯局代蘇增鑄銅元盈餘按年儘數撥充從前銅元暢銷盈餘較厚尙可勉強抵支乃自奉部章限制鑄數兼之銅貴錢賤餘利寢微且又分作十成以四成提充練兵經費以三成撥還造幣分廠欠款以三成作爲地方新政之需此項盈餘已成無著是蘇屬議定抵撥之款自銅元改章後徒有協助之名並無抵撥之實至贛省應協之款僅於三十年據江西藩司報解龍洋五千元皖省則迄今五年絲毫未解而該堂經費按月待支不能半途而輟亦難無米爲炊均經飭由甯藩司陸續籌墊本年按章添招新班學生三百人並增派教習各員額支活支需費甚鉅籌措愈艱惟念興學爲當今急務而師範尤爲教育本源不得不勉爲其難設法推廣第財政困難各省皆然以三省公共之學堂而

令江甯一省獨任其費於理固屬不平於力亦有未逮疊據江甯布政使繼昌以該堂經費無款可墊詳請另行核撥前來奴才仰屋興嗟持籌乏術惟有按照原案嚴飭蘇皖贛三藩司將應協各款按期報解通力合籌以期衆擎易舉擬令蘇藩司將每年應協銀四萬餘兩分上下兩學期另籌的款匯解上學期應解銀兩限定於正月解到下學期應解銀兩限定於六月解到不准稍有蒂欠皖贛兩省按名津貼之款亦令如此辦理並飭將以前欠解銀兩一併籌解歸墊倘再視爲具文卽行據實糾叅以儆玩泄除飭蘇皖贛三藩司遵辦並咨都查照外謹會同署江蘇巡撫臣陳啓泰安徽巡撫臣馮煦江西巡撫臣瑞良附片陳明伏乞 聖鑒謹 奏光緒三十三年十二月初六日奉 硃批該部知道欽此

學部咨江督文 (爲禁各省學堂學生干預政事事)

爲恭錄通行事光緒三十三年十月十五日准軍機處片交本日都察院奏大學堂譯學館實業學堂貴胄學堂法律學堂法政學堂順天高等學堂民政巡警學堂陸軍測繪學堂江蘇浙江各學生條陳時事呈請代奏一摺奉 旨學生理宜專心嚮學不應干預政事致違定章著學部曉諭訓飭並通行各省學堂一體申戒欽此欽遵到部相應恭錄 諭旨咨行貴督轉飭各學堂學生一體欽遵凡教員管理

朝廷愛護陶成之至意是爲至要須至咨者

督憲端札三省四學司文 (爲刊印學堂禁令章分發事)

爲抄電札飭事光緒三十三年十二月初七日准學部電開十一月二十一日欽奉約束學生 諭旨

一道應卽欽遵辦理學堂管理禁令載在奏章希飭司刷印頒行各學堂嚴切申明廣爲誠諭如有不遵守者務須照章實行其前章所未備之處卽由本部詳細補訂奏准頒行再行咨達現在興學方亟總以課程管理之合法與否爲地方官吏之誤最本部謹遵此次 諭旨當遴派視學員分赴各省隨時考

察幸勿疏略可也等因到本部堂准此查十一月二十一日欽奉電傳約束學生 諭旨一道業經本

部堂衙門欽遵恭錄一通懸掛並飭司移行一體欽遵在案准電前因合行抄電札飭札到該司卽使遵照將 奏定學堂章程管理通則內禁令章提出刷印分發各學堂嚴切申明廣爲誠諭如有不遵守者自當照章實行以肅學風而端士習切切勿違

督憲端札財政局撥款購訂支那經濟全書文

爲札飭事竊照湖廣督部堂趙函開前者欽奉 明詔飭直省設立調查局詳攷各地慣習咨報憲政

編查館以爲編制之參攷現在表冊尙未頒行調查各件不能不豫爲之備然以中國地大物博習尙紛歧卽欲從事調查若無憑藉必有繁重隔閡之苦查近來日本調查中國各種慣習如民事商事經濟等書發行者已屬不少而近刊之支那經濟全書根本於科學之分類整理事實之糾紛條理井然內容豐

富其圖解及一切書類搜羅亦可稱善備所參論說尤能合事實學理而貫澈之誠詳明賅洽罕見之作也頃由敝處墊發譯費囑留日學生之嫻於東文者次第翻譯約年內（三十三年）必可竣事惟將來分發各地官紳爲調查之助宜先籌集巨款印行多部始克有濟現將該書已刊行之四輯核計譯費約須日幣一千六百元以印刷一千部統計約須日幣三千元左右連運費通計每部合價洋五元此書係日人新著（中略）由各省分任籌印注明非賣品以爲之創茲特將譯印支那經濟全書略述始末如尊處須此書飭發即望示知部數并請將譯印費寄下以便屆時奉上等因到本部堂准此查江南地大物博習尙紛歧調查一端尤宜精審日本近刊之支那經濟全書足資參考實多裨益應暫購訂百部以備分佈各調查局爲研究之資料所有購訂此書之價洋五百元即由該局照數支撥速解來轅以便轉寄湖廣督院爲此合亟札飭札到該局即便遵照辦理勿延切切

江蘇教育總會咨呈督撫學憲文（爲附設法政講習所事）

咨呈事竊查上年閏四月二十日御史喬樹枏奏稱現在各省仕途均以擁擠爲患而明習法政之選實不多覩亟應及早預備以待任使舉貢生員中學皆有根柢者專以法政一門肄習則畢業之後才皆可用現在各省裁判課稅人員苦無專門之學請飭下各省添設法政學堂等語奉 旨允准又學部致各省督撫電以後遊日速成生一律截止法政學堂當及時設立法政重要學科向多求之外國者尤應聘請專門教習加意講求毋得缺略等因其時本會先已附設法政研究會在會員中公推前在早稻田

法政畢業生雷奮主講并延海上知名之士或流寓或出洋於法政有心得者爲名譽講員如湖北候補道宋育仁等皆先後蒞止隨於上年下學期即改設法政講習所仍延雷奮主講其餘中西法政各科目即在會員中公推數人分任此項經費除收學費外不敷即由會中籌助曾將辦理情形及章程呈報學部並督撫帥前學務處有案今年（三十三年）復擴充校舍增添學額續辦一載計上下兩學期畢業者幾及百人經費不敷仍由本會籌助竊維時事日棘於商量舊學而外不能不培養新知此項法政聽講員誠如喬御史所言中學既有根柢必須練習法政有政治上之常識庶實行地方自治條理固不慮其紊即偶涉國際外交依據亦各抒所見况近者恭奉 聖詔各省諮議局應速行成立江蘇風氣較早則一切議員資格尤應及早養成如僅恃官立之法政學堂則到省人員已形擁擠嗚嗚環聽勢難徧及紳民故本會明年仍擬續辦但專爲養成議員及自治人才而設以半年爲畢業意在普及而不在專門今屆學科稍有變易茲以一年講畢所有各講員講義分別裝訂成冊并講員聽講員姓名及講習科目單一并咨呈貴部院部堂學司察核施行須至咨呈者

各省要聞彙誌

江甯 ●江南圖書館新購杭州丁氏藏書共計七萬三千餘元其中宋元舊板及世所希見之秘本無慮數百種言定由丁氏自行運甯加給運費洋三千元俟運抵江甯再行逐冊點交以免紊亂督憲擬仿文瀾閣體制建築書樓列架珍藏嘉惠來學目前先假七家灣自治局後樓數大楹以爲庋藏之所

江蘇 ●蘇省師範學堂年須經費七萬六千餘兩省憲以近來款項奇絀飭議將附設之游學預備科自今年起即行裁撤以節經費每年可省二萬兩業已詳奉批准●蘇垣大太平巷女子師範學堂現添設師範預科分一二年兩級第三年入正科並附設初等小學預科年齡須十三歲以上二十歲以下初等七歲以上十二歲以下師範生須國文清通能作二百字以上論說算術能演分數比例其餘各科亦須略有門徑定於正月初十日至十五日分期考取

安徽 ●壽州學務近來頗有起色復經趙仙舟刺史極力提倡任籌常年經費已由公學附辦師範傳習所以期推廣教育●現有士紳金在中精通中西醫理聯合學界上稟撫帥創設醫學館招收生徒課以醫術馮中丞綜核所稟各節洵爲衛生強種起見施諸今日亦爲教育所不可缺之一端惟事關開始應令妥訂章程因飭提學司詳議飭遵

江西 ●贛省各屬前年奉准通飭徵收串捐每糧串一張收錢三十文以資學堂經費萍鄉縣興學公所總董周君紹濂以該縣串捐省台已提三分之二辦理省城各學堂之用所剩一分現又議撥三文解歸袁州府辦理中學堂之用嗣後擴充學堂經濟更形困難若不設法維持學務難期進步因具稟林提學請於學脩金項下每年六百四十千准助學費並議加收稅價以資補助又以該縣汪都良大令浮收稅契書差私收串捐等弊花戶均歸咎於學堂恐無知之徒從中煽惑請學司嚴行查辦業已

軍政

江督端奏金陵製造局添購機器情形摺

奏爲金陵製造局改良製造新式槍子暫將老毛瑟槍子停造騰出經費湊撥添購機器情形恭摺具陳仰祈 聖鑒事竊查金陵製造局上年曾經練兵處暨前署督臣周馥派委道員張士珩赴局考查議將該局每年額領經費銀八萬四千兩以六萬二千五百兩專造十一密里口徑老毛瑟槍子供應南洋各軍隊操防之用餘款留爲各防營隨時添配機件及員司匠役薪糧局用之需經練兵處核准咨行飭遵在案本年夏間接辦該局道員劉體乾查得江南軍械局庫存老毛瑟槍通用子彈甚多可備數年撥用而江南編練新軍悉係領用日本六密里五口徑及德國新毛瑟等項槍枝常年需用槍子轉虞不足亟應籌撥款項添購機器改良製造新式槍子具詳請示奴才以所請係爲因時制宜裨益軍需起見檄飭江甯藩司繼昌會同上海製造局員張士珩復加籌議擬就該局原有機器改造新式槍子惟仍需添購機器二十五部並六密里五七密里九比例規尺樣板兩副格林木大小天秤兩具經奴才復行該局詳加考核據稱如添購前項機器器具舉凡六密里五七密里九口徑及老毛瑟曼里夏各種槍子隨時均能製造第購機所

需經費爲數頗鉅刻值江南財力困難未能輕言另撥祇得請將該局現在額造老毛瑟槍子截至本年秋季停造自本年十月起停至明年夏季六月底止除代江南軍械局復裝銅壳藥火外約可騰出造子購料經費銀三萬數千兩再將上年張士珩稟奉練兵處核准修換該局西子廠及軋片廠汽機鍋爐銀七千兩分飭海關道江南財政局各半分撥一併移作添購新機之用此外不敷之款及搬運安裝等費統由該局在常備儲料銀兩內提撥濟用以竟全功稟經批准照辦並行關局如數撥款卽由該道劉體乾親赴上海就近會商張士珩將應添購各項機器器具至各洋行逐細考究嗣與德商禮和洋行再四磋商議定由該行承辦德國侶佛廠最新式自行進子造小口徑綱孟頭新毛瑟子機器二十五部又六密里五七密里九各道口徑槍子及較準口徑冲模樣板各一副又格林木大小天秤兩具共計淨價德銀十七萬五千三百三十五馬克連關稅水脚保險等費一併在內當與訂立合同加立清單並先付定價三分之一計德銀五萬八千四百四十五馬克按照本年十月初四日付銀日期上海銀行市價每二百八十三馬克合規平銀一百兩核算共合規平銀二萬零六百五十一兩有奇茲據鈔錄合同清單呈請

奏咨立案前來奴才查該局暫行停造老毛瑟槍子奏撥經費添購新式機器器具等項亦甚核實除分咨各該部外謹

奏咨立案前來奴才查該局暫行停造老毛瑟槍子奏發經費添購新式機器等項
一兩有奇茲據鈔錄合同清單呈請

各項新式槍子實係變通改良有益軍需所購機件等項亦甚核實除分咨陸軍部度支部查照外理合恭摺具陳再前項動用銀兩應俟機器運甯裝齊價款付清後再由該局將支用細數分晰造報咨部核銷合併陳明伏乞

皇太后

皇上聖鑒飭部查

照立案施行謹 奏光緒三十三年十二月初六日奉

硃批該部知道欽此

陸軍部咨選軍官赴京肄業法律文

為咨行事軍法司案呈查治軍以紀律為先而紀律非原本法學必不能斟酌精密推行悉當方今修明軍政舉凡軍隊之一舉一動均與法律有關上年秋間前練兵處曾選學律軍官十七員附入京師法律學堂肄業各在案查陸軍次第添練現有學律軍官將來不足分派茲值京師法律學堂招攷新班本部商准修訂法律大臣續送軍官附入新班肄業特鈔簡章咨行貴督查照轉飭陸軍第九鎮遴選二員務須照所定章程選送於本年（二十二年）十一月下旬到京以便彙咨肄業可也須至咨者 計鈔簡章

選送新班陸軍軍官學律簡章

一學員須研究法律遵守京師法律學堂定章及本部隨時所頒命令

二學員每鎮協各選送二員選送時須切實查照下開五項

一年歲須在三十歲以內 二官階中等第二級至下等第二級軍官 三文理明白通順於中學素

有根柢者 四出身須由陸軍學堂畢業或久在軍隊者 五無各種嗜好

三各學員仍留原有官職應升應轉仍照章辦理公費由代理人員具領以資辦公其應領薪水由本鎮先一個月彙解本部以九成由本部軍法司給發學員具領餘一成留充該學員房飯等費至應購書籍及不敷之款由本部發給

四學員送附京師法律學堂新班肄業以三年爲畢業所定課程如左

第一年科目

大清律例及唐律 憲法 法學通論 經濟通論 國法學 刑法 民法 刑事訴訟法 外國文 體操

第二年科目

憲法 刑法 民法 商法 民事訴訟法 刑事訴訟法 裁判所編制法 國際公法 行政法 監獄法 訴訟實習 外國文 體操

第三年科目

民法 商法 大清公司律 民事訴訟法 大清新訂破產律 刑事訴訟法 國際私法 行政法 財政通論 訴訟實習 外國文 體操

五以上四條係現行簡明章程其餘一切細則隨時由本部規定以資遵守

兩江督練公所詳督憲文 (爲編改營制事)

兩江督練公所詳督憲文（爲編改營制事）

爲詳請事竊職所詳請將編制巡防隊略爲變通並呈請撥餉一策奉憲批開據請遵用音定費律章程擬改巡防各隊編制大綱十條揆諸江南地勢參以現在情形均尙妥洽應准照辦仰卽詳擬辦法呈候本部堂核定飭遵惟第四條所稱請將江北馬步巡防各隊統歸兩江督練公所管轄以便調遷等語及第五條現在江甯等處巡兵實數共有五千二百七十八名二節殊欠明晰查兩江督練公所爲本部堂軍事總滙之區凡南洋所轄新舊各軍皆宜悉歸節制又何待該公所呈請改歸管轄豈駐屯江北巡防各隊事宜該公所從不聞問乎抑或別有阻碍耶又查江南巡防各隊於吳淞江陰鎮江三標之外尙有歸上海道節制四隊歸吳淞提督節制一營此項既奉部咨一體飭改自應一併改編以免畸零所稱實有巡兵五千二百七十八名云云此項隊伍是否在內詳中並未聲明究竟江北巡防各隊從來如何情形是否歸該公所管轄江南巡兵共有若干照章改編念二營有無增改情事仰一併詳細稟復以憑核辦是爲至要繳等因奉此遵查江北馬步各營隊除漕標馬步等營不計外尙有銘字馬隊三營元字步兵三旅鎮字步兵一旅留防三十三一兩隊但留防三十三一兩隊向歸江北提督節制與職所並無交涉茲遵奉部章應一律改編擬請咨明將此項留防三十三一兩隊概歸職所改編管轄實爲一事權免畸零起見江南原有之巡防營隊除吳淞江陰鎮江三處之外有獨立巡防第十一十二十三十四四隊歸上海道節制獨立巡防第六第七兩隊歸儀棧節制省城獨立巡防第一二三四五五隊卽與職所直接並無歸松江提督節制之營原詳第五條內所稱現在江甯等巡兵實數共有五千二百

七十八名實指鎮滬松三處及獨立巡防隊共十一隊而言此次遵奉憲批凡南洋新舊各軍皆宜悉歸兩江督練公所節制自應遵照將江南江北原有巡防步馬各營隊按章一律改編職等公同商榷擬請就江甯獨立巡防五隊及十二圩巡防二隊計七隊改編七營名曰江甯巡防隊兵數不敷可就鎮滬松三處所餘之兵併入並請於江甯省城不設統領照舊與職所直接以節經費而便調遷鎮江原有巡防三營改編巡防隊五營名曰鎮揚巡防隊設統領官一員仍兼帶第一營江陰原有巡防三營編改巡防隊五營名曰江常巡防隊設統領官一員仍兼帶第二營吳淞原有巡防隊三營及駐滬巡防四隊合編巡防隊五營名曰淞滬巡防隊設有統領官一員仍兼帶第一營江北原有銘字馬隊三營改編巡防馬隊五營名曰徐淮巡防馬隊設統領官一員仍兼帶第一營江北原有元字步隊三旗鎮字步隊一旗又留防第三十三十一兩隊合編巡防步隊五營名曰徐淮巡防步隊設統領官一員仍兼帶第一營並擬請由職所照刊巡防馬步統領管帶各官木質關防分別發給即將舊發關防分飭一律繳銷至改訂馬步各營官弁號護伙夫係照章略爲增減總計江甯等處原有兵丁按章一律改編其數適符可無勞增補裁汰惟應裁者止原有之排長除抵現編哨長外尙多排長七十七員又鎮滬松三處原有司號長一員計三員新章無此名目亦應裁撤至江北銘字馬隊三營從新改編亦應裁兵丁約計一百餘名元鎮四旗及留防兩隊合併改編亦應裁兵丁數十名又銘字馬隊原有幫辦三員應行裁撤以上應裁各員兵丁擬請酌發給恩餉一關以示體恤鎮滬原設協統一員係徐鎮傳隆兼充此次改編後統領部分應

兵丁擬請酌發給恩餉一關以示體恤鎮遠原設協統一員係徐鎮傳隆兼充此次改編後統領部分應行裁撤以符部章所有各項薪餉按江南江北步馬各營隊原有之餉項攤派照章每年仍按十關發放每年可節省銀四千七百八十兩一分二釐細數均列清摺其原定薪餉應即截算至本年第九關十一月廿四日止請從本年第十關十一月廿五日起按照改訂編制開支每年棚費包巾草帽衣袴操靴以及活支等項均照新等核發據實造報此次改編後一由江甯巡防隊內抽撥一營派駐十二圩一帶一由松滬巡防隊內抽撥兩營派駐上海一帶其餘淮巡防步馬各隊仍照舊駐紮並請札飭財政局報銷處分別立案除繕具改訂薪餉章制詳細清摺外所有遵查江北防營情形及江南巡兵數目並改訂章制仍請分別咨飭各緣由備文詳請憲臺酌核示遵再巡防步隊馬隊管帶一營之營員會計長警生槍匠等名目均爲部章所無然細加考察此三項實爲營中必不可少之人是以準酌加入摺內伏候憲示又江甯原有之巡防五隊上年詳請以一隊撥歸巡警局作爲消防隊嗣因不敷調派並未撥歸該局合併陳明爲此備由具詳伏乞照詳施行

各省要聞彙誌

江甯 ●東西各國之軍人雖兵卒亦皆佩帶軍刀以重觀瞻而增威望中國尙未衍行實爲陸軍之缺點督練公所曾札飭各軍官會商應否令目兵概行佩刀迅速擬章呈核以便詳候督憲核奪旋由各標統管帶迭次會議僉以江南徵兵入伍已久人格漸高如令正副目先行佩刀三月後詳加察看並無在外滋事違犯軍紀之人即令正副兵亦一律佩刀似此次第推行當無流弊

江蘇 ●蘇撫准滬道稟以浦東一帶素爲梟匪淵藪向有蘇捕營一軍專資防緝現該營陸師已編入右路巡防隊水師槍划三十號近又改隸省防營務處差遣值此梟盜滋擾之際防營反調一空恐匪黨乘間竊發仍請派撥師船駐防等因當稟陳伯帥札飭巡防營務處核議現據杜觀察詳覆准在飛划營內另撥水師兩哨開往該處南橋茆港等處分駐已札飭飛划統領徐錦堂副戎照撥而副戎以本營弁兵於浦東情勢皆不熟悉不如蘇捕營之久居爲宜因復稟商杜觀察擬仍將蘇捕營留駐在彼以資熟悉另由飛划重撥師船若干艘在處聽差以抵其缺

安徽 ●講武堂爲弁長研究操法戰術之地似宜大加改良俾收坐言起行之效聞已另賃寬大屋宇並遴委監學人員及教習人等按期講習毋許敷衍●新軍成立需款繁多當茲庫儲奇絀之時多方籌劃仍虞不足聞馮中丞擬將工程隊暫行裁撤量予節省其他各閒隊亦擬緩設以免餉項掣肘●督練所三處改名督辦處並委左右參事等員藉符陸軍定制經馮中丞札派分省試用知州羅牧運經充該處副參事幫辦軍事

江西 ●贛省編練混成隊所需營隊各官非熟悉軍務教練者難期勝任經兵備處籌定辦法擬開辦軍務學堂一所選取前儲材館畢業學員入堂肄習馬礮工程輜重各法以三個月爲畢業後派充營隊各官以資熟悉

江督端等奏請將工賑捐輸暨七項常捐展限一年摺

奏爲江北賑款借墊過鉅請將工賑捐輸暨七項常捐展限一年以資彌補恭摺仰祈

聖鑒事竊照光緒三十一年江南工賑需款 奏請開辦銜封貢監翎枝等項捐輸經

部議准至三十二年分一年限滿時值江北水災奇重賑款不敷復經 奏請展辦賑捐

一年並請加辦七項常捐亦以一年爲限均經度支部議准在案茲自光緒三十二年十

一月初五日 奏准之日起扣至三十三年十一月初五日止又屆一年限滿本應按照

部議截數停止惟上年江北徐海淮安各屬水災之重爲數十年來所未有工賑平糶各

項用款至數百萬兩之多雖蒙 朝廷發帑截漕 恩施稠疊而有著之的款實不及

半維時事機危迫萬分未敢稍滋延誤不得已 奏明移用庫帑息借商本權量重輕先

其所急本年春賑又經 奏准息借農工商部存本銀一百萬兩分撥散放幸蒙 聖

恩高厚憫災黎之困苦念籌款之艱難凡有奏陳靡不上邀 俞允卒能使數百萬待

斃之飢民咸資安集匪徒無從煽惑大局轉危爲安實非臣等始願所及目前賑務雖已

告竣而借墊無著之款以農工商部存本一百萬兩爲大宗此外庫帑商本亦共有百數

十萬兩舍收捐一項別無彌補之方明知捐務積疲已成弩末之勢猶冀銖積寸累藉收覆篑之功據籌賑局司道詳請 奏懇展限接辦前來合無仰懇 天恩俯念江北賑

款借墊過鉅准將工賑捐輸暨七項常捐均予展限續辦一年以資彌補出自逾格

鴻慈謹合詞恭摺籲陳伏祈

皇太后

皇上聖鑒謹

奏光緒三十三年十一

月二十四日奉

硃批度支部議奏欽此

江督端等奏州縣征忙賠累仍請試辦加征錢文摺

奏爲查明江蘇州縣征忙賠累並無別款可資抵補仍請每兩加錢二百文暫行試辦一年俟銀價平時即行停止以符定章恭摺仰祈 聖鑒事竊臣等准度支部咨議覆蘇省加征忙價遽難照准一摺光

緒三十三年九月三十日奉

旨依議欽此抄錄原奏分咨前來當即轉飭遵照辦理茲據署江蘇布

政使朱之榛詳據太倉等三十五州廳縣聯銜稟稱近年銀價騰貴致滋賠累已蒙度支部鑒及係出實情惟其中底蘊容或未能深悉請一一陳之查州縣征忙辦公經費每兩六百文雖照市價易銀上兌虧耗三百文誠如部奏尙有三百文可資辦公而無如辦公經費有非三百文所能敷用者如奉提三四五分平餘解兌正銀隨解公費征忙櫃用辛工紙張卽此三項每兩已須支用二百文上下加以府署之公費本署之幕友修脯收發委員薪水一切人等工食以及提牢禁卒夫役之飯食監押寄禁犯人批差之

方足開支此辦公經費非三百文所能敷用之實在情形也至漕米公費定章每石收銀一錢二分有奇
務用者有運兌水脚折耗及麻袋之費有收漕櫃用書役辛工賞犒之費有斛價斛力之費其因提捐用
者曰奉提三四五分平餘曰奉提一百八文漕費曰補助各學堂經費曰練勇巡防經費曰舟車雜用曰
從前大閱試院停展攤捐曰各署紙工曰祭品不敷曰善舉月捐曰年節酬勞賞犒此外又有賠貼洋虧
莊息一項統計每屆約須錢數萬串如值購辦漕米時市價大於折價其賠貼之費多寡尙難豫計大抵
買米賠貼則公費有絀即無贏此外雜款惟稅契一項略有平餘亦甚微末其牙稅牛猪等稅散處四鄉
收取爲難數目零星僅能以征抵解此漕費及雜款無可挹注之實在情形也銅元充斥迭蒙通飭整頓
予以限制無如上海一埠爲天下銀錢總匯凡他省之鑄銅元者莫不輦致銷售聚者日多價益日落勢
成積重返之良難非通籌各省財政酌盈劑虛不足以實行補救此又整頓銅元急難求效之實在情形
也州縣批解司道庫銀兩隨解公費銀三分二釐一毫六絲九忽凡司道署常年辦公以及庫大使之公
飯銀匠之傾鎔火工補水書役之飯食紙張油燭解放需用之銀箱工價各項用款無不取給於此數百
年來司道各署吏役賴此以養其廉恥迄無需索弊竇府署有屬縣解送公費總計每縣每年洋二千元
則府署賴此辦公甫經奏明核定在案此隨解司道府署公費無可裁減之實在情形也至別籌款項以
資抵補一節屢經公同籌畫實在無可補苴否則事關切已在往年議提平餘漕費時即當籲求通融何
至而有今日之困累此又絕無他款可籌之實在情形也前請以銀完銀加公費六百文及免提平餘公

費二端既係窒礙難行惟有仍懇將規復銀價每兩錢二百文自光緒三十三年上忙起給還州縣另行隨忙每兩帶收賠款錢二百文以抵原款本年下忙已多起征請歸入三十四年上忙補收或未起征下忙者仍於本年帶征雖以入抵出尙有不敷惟常躬自刻苦以期少用一分卽少虧一分不敢再存奢望等情具稟到司查蘇松漕賦之重固甲各行省而減漕案內核定條銀折價每兩二千文亦較各行省爲獨輕定章每屆上下忙起征之際必附片陳明銀價或有低昂隨時增損可見有減有增本係官民兩便江蘇州縣從前無論何缺征收忙漕尙有羨餘足供在官仁族之用近十年來提取條銀平餘及漕米公費年外加價所入稍薄然猶未至甚累迨三十一年銀價大漲所存三百餘文之辦公經費實在不敷開支因此致挪正款欠解纍纍嚴催鮮應司庫頗受其影響尙不亟謀補救勢將一潰難收綜計三十餘屬不敷之署用爲數甚鉅詳加考覈萬難裁減別謀抵補又實無款可籌應請准如所議暫行試辦一年屆時察看情形如銀價跌至每兩一千四百文以下卽行飭令停止不准加收似此辦理則賢員砥礪有資不肖者藉口無術如有不修更治罔顧公家者應卽詳請參辦以飭官方等情具詳請 奏前來臣等覆查近年蘇屬銀價騰貴各州縣征解賠累不獨病其身家實於庫款之豐耗吏治之長消所關甚大疆臣不容坐視是以瀆陳 聖鑒至再至三此次部議亦飭整頓圓法裁減雜費並令籌款抵補是州縣爲難情形已在部臣洞鑒之中惟行使銅圓攸關財政盈虛消息必合全局以通籌卽有整頓之方亦非旦夕所能奏效其司署解費道府各署公費相沿已久皆有定程一經裁減各署卽頓覺困難州縣仍無多

事正已了抵補如果有款可籌請辦不待今日無如時艱款絀多無措注之資何思前臣等

夕所能奏效其言署解費道府各署公費相沿已久皆有定程一經裁減各署即頓覺困難州縣仍無多裨益至另行抵補如果有款可籌請辦不待今日無如時艱款絀委無措注之資俟思前臨三錢其可提忙漕盈餘及以銀完銀二節既部議必不可行臣等曷敢再瀆惟規復銀價之事在部臣再三審慎誠恐有逾舊額民力難支其實條銀隨時價爲變通乃係遵守舊章並非忽逾定額查現時銀價每兩可易錢一千六七百文較之三十年時每兩僅易一千一二百文已增至四五百之外民間以錢完銀即照現加之數兩相比較亦尙比從前爲合算况分計增征之數約須有田十畝以上始加收錢二百文爲數有限亦不致遽累閭閻相應請 旨飭下度支部仍准查照前奏從光緒三十三年上忙起每兩加錢二百文其賠款之二百文照案隨忙帶征凡本年下忙已起征者應歸入三十四年上忙帶收未起征者卽於下忙帶收庶州縣虧累稍輕而臣等清釐公款整飭吏治亦不致十分棘手矣至此次暫征之數原以銀價太昂不得不兼籌並顧如一年之後銀價但能跌至每兩一千四百以下卽當奏請停止決不敢稍有遲迴以仰副 朝廷體恤民艱之至意所有蘇省州縣賠累無可抵補仍請查照前奏暫行試辦一年緣由謹合詞恭摺具陳伏乞 皇太后 皇上聖鑒訓示謹 奏光緒三十三年十一月二十八日奉 硃批度支部議奏欽此

江南財政局詳復遵飭籌辦習藝所擇地估工建造請撥的款文 並批

爲詳復事竊於光緒三十三年六月十五日奉憲台札開照得迭奉 明詔振興工藝復飭辦罪犯習藝所誠以各種土貨均賴百工製作推廣行銷實握商戰之源而推求罪犯之多實由游民之衆必使游

民習藝得以自食其力則邪僻亦可不作仰見

朝廷勸工化莠之意禮記言無游民周禮使閑民得

轉移於執事卽是此旨自應欽遵辦理且現值禁閉烟館無業之人更須廣籌生路令其入所習藝俾資糊口茲據候補知縣蔣福超摺呈擬辦金陵游民習藝所章程十六條前來應由江藩司會同吳道學廉孫道廷林督飭江甯府按照各條逐一考核詳加籌議稟辦現在議辦此事自以籌畫經費廠屋爲先務至將來作工當按貨給值令其上緊工作使有一分之貨始有一分之錢不宜按日給值徒耗工食向來官款辦事總係糜費太多儉工減料行銷不旺積虧成本不能持久正坐此弊此次必須妥籌辦法期於游民有工作之利官款無虛糜之虞以祛積弊而垂永久是爲至要抄單札飭遵照妥議稟辦等因同奉此竊維監獄之設肇始夏台古今不異其宜中外悉同此軌自欽恤之議不明聚教之方寢失迨至近代積弊漸深湫隘穢污識者詬病如以生計日艱民多失業因游惰而罹罪戾其情本屬可矜若但施以懲戒之條不爲資以謀生之術桁楊觸目實疚於心是習藝所之設誠改良監獄之初基加惠罷民之仁政也司道等詳繹單開各條大致均可做行惟是專爲無業游民收所習藝而設宗旨雖同範圍猶隘查北洋罪犯習藝所創辦最早成效已彰金陵爲江南省會觀瞻所繫允宜參酌中外樹以模型以期仰副憲台化莠勸工之至意伏查江甯建設習藝所一案奉經前署憲周札司督同府縣核議稟辦嗣又飭由前籌防局勘購地基各在案繼因經費難籌事且中輟現奉憲檄飭卽妥議稟辦自應認真籌畫以期早日觀成現查得籌防局原購地基在大石橋之東甯對初級小學堂之南廣六十四丈長一百一十二丈計地

觀成現查得籌防局原購地基在大石橋之東甯尉初級小學堂之南廣六十四丈長一百一十七丈計地六十畝有奇平坦清曠遠絕市塵以之建造習藝房宿舍自可多屬是則

奉派籌辦甯滬監獄之畢業生張大川王兆甲等親歷周勘按照地勢參仿天津習藝所及東洋監獄成規繪製成圖業已呈蒙憲鑒計所內議設雜居監六所分房監二所女監二所病監傳染病監各一所大小工場八座餘如應設之教誨堂看守所典獄辦公暨各員住室材料器具之庫出品陳列之所以及檢訊醫藥消防庖福等項房屋總共二百二十餘間布置經營悉求完備該處西面舊有小河並於東南北三面挑挖濠溝環繞四周內築圍牆四角設瞭望臺以資巡守至此項房屋務使寬廠堅潔空氣流通庶可適於衛生尤宜便於管守當將各項房屋間架牆垣濠溝形式丈尺及如何建築方法逐細開明經許守邀同工料所委員李文志切實勘估該員擬向北京招用工匠工項不免加多據稱需用工料銀十四五萬金復在滬招到甯波匠人重加估算按照所開形式丈尺擲節核計亦非九萬餘金不辦伏念監獄改良規模固須完善然果能堅固似亦無取華美當此窘絀之際能省一分經費即可紓一分籌畫可否以十萬金以內爲度但此仍係約略查估應候憲台委定承脩人員責成詳細覆勘開造估冊庶足益昭核實惟開辦伊始經費宜籌若無大宗的款預撥專儲如此鉅工深虞作輟竊念近來司庫艱窘萬分一切要需幾已窮於應付財政局雖爲出納總匯之地然自改練新軍以後東挪西補羅掘一空將爲移緩就急之圖實鮮挹彼注茲之策第事關要政未便再延雖不能無米爲炊亦何可因噎廢食思維再四司局兩庫委無大宗的款可撥惟有仰懇憲台飭由糧道庫內設法籌措以濟要需至開溝填土宜趁隆冬

水涸之時速興工作擬請迅賜遴委熟習工程之員督匠承脩以專責成而期迅速此外開辦及常年經費並一切詳細規則容由司道等會商妥擬再行詳請憲台核定飭遵辦理所有遵飭籌辦習藝所擇地估工建造並請撥的款緣由理合先行具文詳復仰祈憲台俯賜鑒核批示祇遵實爲公使

督帥批 據詳已悉查省城擬辦習藝所前經飭由該司道督同許守籌議稟辦既據查明籌防局前經購定地址在大石橋之東甯屬初級小學堂之南計地六十畝有奇平坦清曠堪以建造自可毋庸另購至房屋制度參仿天津習藝所及東洋監獄成規議設雜居監六所分房監二所女監二所病監傳染病監各一所大小工場八座以及教誨堂看守所典獄辦公暨各員住室等各房屋總計二百二十餘間披覽圖式布置尙屬周妥惟估計工價用甯波匠人約計九萬餘金如果工程一律完善所議估價尙不虛浮應候飭委署江甯府知府許星璧按照圖式詳細覆勘造冊稟候委令承修以昭妥速所需經費司庫既無閑款可籌並候札飭江安糧道於整頓各屬徵解道庫漕倉屯津各款項下籌撥銀十萬兩陸續支放應用除據情 奏咨外仰卽遵照繳

金陵造弊廠以職商余致誠等擬承銷三焦廬否照准請示稟并批

敬稟者竊據職商余致誠鄧培均等稟稱老廠堆積淘過三焦商願與公新益分銷每噸繳價漕平銀四兩預繳價銀二千兩商按六成分派應繳銀一千二百兩餘八百兩由公新益呈繳稟請酌核並據公新益稟同前情到廠據此查職廠老廠積存二炭前據各商紛紛具稟請售均經批駁至余商等淘銅煉出

益稟同前情到廠據此查職廠老廠積存一二炭前據各商紛紛具稟請售均經批駁至余商等淘銅揀出之碎焦亦飭逐日登簿悉數歸公會經陳明鑒據稟前情職道等伏查廠有二炭凡可以選用者均經揀出發廠搭用列冊呈報仍有碎焦約數百噸堆積廠內第查此項三焦存而無用棄之可惜該商余致誠等既願分領銷售每噸價繳漕平銀四兩於公家不無小補且現奉憲飭擬就中廠改設刷印局所有前項碎焦均堆老廠亦須搬讓庶刷印局得以早日開工應否准由該商等承銷之處職道等未敢擅便理合據情稟陳仰祈鑒核批示祇遵實爲公便

督帥批 如稟照准仰卽傳諭該商等繳價領銷併移知刷印局迅卽前往開工以期早日成立此繳

各省要聞彙誌

江蘇 ●兩淮官商認借直隸公債票曾經詳明按半年付息一次連同本銀一併在兩淮應解北洋淮軍協餉項下扣付第一第二兩年本利均已按數付清近查尙有未還之銀計八萬兩三十三年六月起至十一月止係屬半年按照九釐行息該付息銀三千六百兩已於冬季淮餉內如數扣存當由運憲趙都轉札飭淮南總局分別核明付給并查照成案將付息數目在於票內登註以憑蓋印

安徽 ●皖撫馮中丞札行藩司核議當塗縣征收錢糧辦法略謂據前署太平府任守面稱當塗縣錢糧一項向由鄉書經管或董事經手代完並不投櫃銀米價值聽其核算給以由單爲憑印串之或給與否悉聽書董之意花戶不能過問以致侵蝕中飽征收愈無起色欲籌改良之策惟有設鄉征免由單革除經管鄉書圖差庶可挽回積習等情據此查錢糧爲國家維正之供焉能任若輩把持侵欠致

貽害鄉民合亟札飭札到該司即便按照各情妥爲核議札飭該縣遵照至鄉征一節亦須體察地方情形是否相宜或卽改爲當堂設櫃令民間自行投納隨時掣串亦尙稱使總之錢糧以裕課便民爲本該司卽督飭該縣酌訂妥章變通盡善以期於國於民兩有裨益

江西 ●江西藩司電致蘭州豐藩台略謂敝省欠解贛省三十三年協餉銀十五萬五千二百兩除代解湖北代募步礮工程隊經費銀二萬兩江南北賑款九六折實銀四千八百兩係江西庫平按照甘肅庫平應扣長平銀一百十六兩零又詳咨將河南應解甘餉撥補九江貨釐銀五萬兩代解前項協餉外實尙欠銀十萬五千八十三兩有餘

各國要聞彙誌

倫敦電云英國財政上年九月所入減少二十七萬一千六百九十二磅祇就一季收入論實已減少一百十五萬五千一百八十二磅 又電云英國前一季財政所入各項條目除郵政局外均有減少最甚者爲財產稅項計共五十八萬七千磅

文滙報載柏林電云普魯士現發行一種債券以四釐起息隨後并將發行他項債票利息三釐零四分之三其發行價值每百作九十八零二分之一

字林報載倫敦電云據華盛頓電音美國財政部議員呈請籌備意外經費美金二百五十兆元願出週

息六釐俟意外之事了結卽將此款奉上將來七釐當由州郡及地方公會出集非果云

農工商部奏清查各省官民荒地請

飭各省迅速造報摺

奏爲各省官民荒地亟待清查請

飭各直省迅速造報以資考核而興農業恭摺仰

祈 聖鑒事竊臣部於光緒三十二年十一月間由內閣抄出奉

上諭御史趙炳

麟 奏請推廣農林一摺自來足民之道端在利用厚生農桑畜牧實爲富強之本我中

國地大物博祇以農林要政未能切實講求棄利於地未免可惜著各直省督撫通飭各

屬詳查所管地方官民各荒並氣候土宜限一年內無論遠近繪圖造冊悉數報部由農

工商部詳定妥章 奏明辦理務使國無曠土野無游民以厚風俗而固邦基欽此欽遵

到部仰見

皇太后

皇上軫念民依統籌本富之至意臣等當卽恭錄咨行各

直省將軍督撫大臣欽遵辦理復於本年九月間咨催迅速詳查務遵

諭旨一年內

繪圖造冊報部各在案現計一年限滿遠近各省均未造報雖地方遼闊稽核未免需時

而農事根荄提倡不容稍緩臣部首筦農政於各省荒山荒地正待經營辦理之初非調

查無從入手况此次明奉

諭旨限期查勘若再涉遷延殊屬不成事體臣等公同商

酌擬請飭下各直省將軍督撫大臣懍遵前

旨迅飭所屬切實清查務令從速繪圖

造冊咨報臣部以便通盤計畫詳定妥章 奏明辦理以裨要政事關奉 旨籌議之

件理合具 奏請 飭各直省迅速造報以資考核而興農業謹恭摺具陳伏乞

皇太后 皇上聖鑒訓示謹 奏光緒三十三年十一月二十八日奉 旨依議

欽此

蘇撫咨農工商部茅麓明農樹藝公司杜弊保護章程文

爲詳咨事據蘇州布政使陳啓泰詳稱竊奉札准農工商部咨據江蘇附貢生楊良駿等稟江蘇金壇縣境茅山東麓荒原可二萬畝擬率同志集股開闢山場振興實業名曰茅麓樹藝有限公司呈請立案移咨地方官保護等情咨行查明所指茅山東麓一帶荒原廣狹如何是否足辦開墾地段有無糾葛聲復核奪又奉札准農工商部咨貢生楊良駿等稟辦江蘇茅麓樹藝公司茲據稟改江蘇茅麓明農有限公司請示指明公司毗連及近臨河口荒地他人不得插買等情咨飭併案復辦各等因奉經先後札行金壇縣遵照指飭確切查勘具復去後適該縣孫令友萼因縣境荒地較多樹藝局四五處廣購荒山地痞轉輾販買糾葛訐訟徒滋弊竇議將無主官荒節繳繫脚撥濟地方公用擬章稟司正核飭試辦間即據明農公司經理宋道育仁等以公司資本有限所購之地並非官荒請免繳繫脚等情稟奉憲批飭司悉心妥議並奉准農工商部咨據武陽商會轉據楊良駿亦以前情呈部並另據職董馮嘉錫呈請革除繫

查核辦茲據該委員會同現署金壇縣倪會鑒稟稱勘得明農公司山場坐落金壇縣城內及城外各處開墾地一萬四千八百餘畝東至石馬橋鎮西至茅山界南至薛埠鎮北至西陽鎮現已招工陸續墾闢樹藝種植其間設總公所一處分廠十所開熟山地一千五百畝稻田二百二十一畝栽植菓樹一萬一千三百餘株桑樹四萬二千六百餘株松竹雜樹九萬七千餘株布種茶柏桐各種樹秧及山芋荳子等項雜糧均皆培養得法利益可期該公司地段在茅山東麓一帶地尙寬廣足資開墾之需諮詢輿論民情亦稱相安尙無糾葛惟前縣擬章無主官荒報繳繫脚給單係因縣境荒山歷年已久民間每多據爲已有擅自出賣與其任聽弊混不如核實歸公現在應否免繳聲請核辦等情稟復前來本司竊維講求樹藝振興實業地方官本有提倡保護之責金壇自經兵燹荒蕪較多自光緒二年二十一年兩次查丈給單後無主荒廢仍未盡闢各前司鑑於復額無期屢經督飭設法勸墾光緒三十年曾飭據該縣翁令有成督董巫光彩楊良駿等在縣境直溪橋鎮立局購植桑松各樹漸見成效經前司委查確實擇尤詳蒙前憲酌予外獎有案此次該職楊良駿等創立公司廣興種植地方官應爲嘉獎斷無歧視惟繫脚錢過於苛細宜卽刪除誠如農工商部來咨公司果係價買民地自非領墾官荒可比卽以官荒而論亦應及時招墾寬予升科年限以紓商力而濬利源豈有購買有主之荒復令再繳陋規之理事關墾政未便稍涉含混致令該商等觀望不前頓生阻力既經該印委等勘查該公司地段寬廣足可開闢所有投稅已購山地尙無糾葛自應飭縣一律稅給不准再有繫脚名目致滋需索并將孫

令友萬前稟試辦之案註銷以示公平而勵實業其餘尙未報購之地業由司飭據該印委另訂杜弊保護章程簡易可行奉飭前因合將委勘核議緣由並照錄杜弊保護章程一併詳請咨復再此案正詳辦間復奉札准農工商部咨據該公司職商宋育仁等赴部呈請頒給鈐記等情咨飭查照前案迅速核議併案詳辦等因案經查勘無須另議至該公司坐落地段業據繪送地圖一紙現因不敷轉呈已飭補送應俟送到另呈合併陳明等情到本部院據此相應將送到清摺咨送爲此合咨貴部請煩查照施行

金壇縣印委會稟擬定茅麓明農樹藝公司保護杜弊兩項章程

保護章程八條

一公司成立既在農工商部註冊後地方官應遵照 奏定商律妥爲保護 一公司指明購買地段之內以五年爲限儘公司購買他人不得攙奪 一公司購買有主民地概照時值給價民間亦不得把持居奇勒索 一現在 朝廷振興實業獎勵倍至樹藝一道尤爲工商之先聲富國裕民利莫大焉地方紳民不得無端阻撓妨碍公司營業并嚴禁書差需索如違稟究 一現在風氣初開鄉野愚民對於公司不無疑猜應由地方官出示明白曉諭并飭圖保隨時宣說以化畛域之見 一公司辦事倘有不洽輿情之處當稟請地方官秉公核斷不得妄向公司滋擾惟口角細故不在此限責成圖保秉公調處 一風氣初開農業大利未必家喻戶曉公司創辦不易謹讀部文有寬予升科之條應准其六年後升科

請核准照辦

杜弊章程八條

一公司既經呈明購地若干不得違章多購以示限制 一公司如欲擴充添買地畝應稟請批准後方可添置 一公司請領官荒須遵定章購買民荒應照隨時價值不得擅自圈用亦不得抑價強買 一公司地址應丈量清楚稅契後方可開墾不得以多報少隱契不稅 一公司創辦當圖永遠基業與民間和平相處民心悅服則地方自安地方安則公司發達可預卜矣 一公司不得自恃勢力欺負鄉民并約束辦事人及夫役人等不得遇事生風如有不得已之事應稟請地方官酌量辦理即有違犯禁約者亦應送官究辦不得擅責 一公司辦事人等如以私人資格與民間糾葛涉訟歸地方官秉公辦理公司不得袒護 一公司既專辦樹藝事宜當即以樹藝爲界限樹藝之外如欲附設製造熟貨罐頭食物榨油等廠及其他營業應另案稟請辦理不得取巧含混庶有區別

各省要聞彙誌

江甯 ●督憲札實業學堂文云照得公園爲陶淑性靈講求樹藝之地必有奇花異草繁植其中始足饜士夫之游觀助學生之多識查實業學堂採購東西洋樹秧花草各項籽種業經陸續運到應即由該堂酌分一半開單移送該園查收並令花匠鈴木前往稟承該總會辦等因地按時如法栽種

江蘇 ●寶山縣胡調元大令奉到省憲飭辦林業已稟報到省以該邑風土祇種棉稻不知講求別物迭與紳董磋商先行籌辦農業試驗場以開風氣各紳董雖熱心公益大半以地瘠民貧籌款維艱爲辭惟知縣身任地方何敢吝惜故已捐廉撥給洋一百元錢一百千文爲開辦經費

安徽 ●皖撫馮中丞批奚忠源稟辦實業稟云極論蠶桑之利並詳辦法娓娓可聽今之講實業者多心醉外洋各國其實各省有著名之物產擅長之工師一轉移間其利已溥再參新法更足抵制外人仰墾牧樹藝局酌量采擇飭屬勸令紳富擇地自行試辦以廣地利其銀漕串及稅契加捐兩項窒礙難行應毋庸議 ●安徽鳳台縣馬令將所查境內荒山荒地及一切辦理情形稟奉皖撫馮中丞批云所陳境內八山一律嚴諭各該處地保招工開墾俾成森林沿淝兩岸廣勸諸民徧植柳株焦崗湖濱淮畏澇收穫無常擬提湖租築壩濬溝藉資蓄洩丈量印照發給原佃收領既杜私爭亦增公款均係規圖久遠事在必行該令務當矢以實心力踐其言昔龔渤海課口一榆召信臣開溝數十循吏良績史牒楊棻該令好自爲之無令古人專美於前是爲至要

江西 ●贛省商務總會擬仿照兩湖勸業場辦法將省垣 萬壽宮改辦勸業場一節經南昌府查明該處地方改辦頗爲妥善與商民並無窒碍業已稟由藩臬兩司轉詳撫院立案

路礦郵電

郵傳部奏擬改提調處爲鐵路總局請派局長摺

奏爲借款各鐵路擬裁撤提調處改設鐵路總局辦理恭摺仰祈 聖鑒事竊中國創

辦鐵路伊始規制未定從前商部與各路督辦大臣不相統繫特設郵傳部以統治之所
有各路均歸管理查東西各國事無大小必分立法司法行政三項然後事權始別責任
乃專故日本遞信省官制內設鐵道局以任全國鐵道立法司法之事另設鐵道作業局
專任官辦鐵道行政之事均係遞信省屬官蓋鐵道行政端緒紛繁非臣部路政一司所
能統籌兼顧前 奏准另立提調處雖已分任其事惟欲劃清權限似非設局經理不足
以持久遠而免疏虞查官辦京奉京漢正太汴洛道清滬甯廣九各路皆由外人借款興
築事尤輻輳臣等再四籌商擬仿照日本鐵路作業局之規畧參民政部巡警總廳學部
督學局之制設局名曰郵傳部鐵路總局卽設臣部署中遴派局長總辦借款各路事宜
秉承臣部指揮以立法司法之事屬之路政司而行政之事歸之該局局長以本部屬官
承委督辦之事各路外交要務理財機關既免疏畧而在司各員尤藉以就近觀摩經歷
鍊而才皆可用於路政實有裨益如蒙 俞允擬派現充各路提調臣部丞參上行走

候補五品京堂梁士詒改充局長並隨時札派局員及酌留前提調處熟悉路政各員分辦該局諸事從前奏設之提調處卽行裁撤俾歸簡易所有借款各路設局經理緣由謹繕摺具 奏伏乞 皇太后 皇上聖鑒訓示謹 奏光緒三十三年十一月十八日奉 諭旨郵傳部奏請派局長一摺著派候補五品京堂梁士詒充郵傳部鐵路總局局長餘依議片併發欽此

滬道移滬甯鐵路總管理處文 (爲擅填界浜任電車公司設軌事)

准巡警總局移據北市第三路巡警分局正巡官楊照稟稱卑局管轄區內上寶兩縣交界之處本係河浜爲限該浜原與租界毗連聞係滬甯鐵路公司築成泥路於五月間由該公司讓與外人興築電車鐵軌直至寶山路口迤西轉角曾經上海寶山兩縣前往勘驗現已堆積石子准備接築巡官親往勘驗該處安設鐵軌係在公共租界石牌之外是否越界興築抑或商定有案稟請察核示遵等情北市寶山路爲官築馬路係屬華界該處朝西路口與公共租界原隔一浜浜南爲租界浜北爲華界界石巍然確鑿可據未知滬甯鐵路公司何以竟將該浜填築成路又何以任令電車公司卽就所填浜路裝設鐵軌銜接興工以上情形究竟該鐵路公司曾否稟明兩院憲暨移知貴道衙門有案本局有管轄路政之權不得不詳加考究如該電車公司果係越界興築實於路權大有妨碍移請核辦速復等因查工部局擅填界浜插立馬路界石前據上寶兩縣稟請爭阻當經瑞陞道照准租界領袖總領事復稱浜在鐵馬路東

久經淤塞曾於滬甯鐵路公司訂有合同行將築路急須應用該浜之地等語又經切實駁復聲明該界

久經淤塞曾於滬甯鐵路公司訂有合同行將築路急須應用該浜之地等語又經切實駁復聲明該界浜縱有淤塞應開通以資考証非他人所能佔用所訂合同本屬無案可稽未便承認地在租界以外工部局既無築路之權何能插立租界馬路界石請飭停工云云一面呈奉南洋大臣批飭商阻在案准移前因究竟貴處所訂合同內容如何是否奉有明文准予訂立即應如何調停相應轉移貴處請煩查照籌議並照錄合同復道以便轉稟南洋大臣請示辦理

各省要聞彙誌

江甯 ●督憲端午帥接農工商部咨稱此次 奏定礦章既經頒發定期施行所有全省礦務自應飭令礦政調查局遵照新章妥籌辦理所有應令舊商遵辦事宜暨應用各項表譜賬冊格式以及應行籌備各項事宜均應早日擬妥送部查核以重礦政希迅速辦理等因准咨後即札行兩江礦政調查局按照咨飭事理妥議詳辦

安徽 ●皖撫馮中丞准郵傳部咨以據皖紳方朗等稟陳皖路辦法浦信路綫須俟奉部明文籌議定決殊爲切要之論如所謂造路必先籌款路款概歸路用兩節查與原議之案亦屬相符應准照辦等因當即分別咨行鐵路公司暨商務局知照

江西 ●贛撫接郵傳部咨稱遵 旨籌議析疆分治摺內增設萍鄉至義甯州電線飭據上海總局

楊道議覆中國電線雖徧設各行省然山陬僻壤未經通電者甚多若令全行安設商力實有未逮該

處電線係因政事而設請按官四商六辦法最爲公允官商合籌較易爲力等語查核所稟尙屬實情自應照辦相應咨覆轉飭遵照瑞中丞接咨後卽札飭藩司會同派辦處妥議詳覆

各國要聞彙誌

字林報紀東京電云東京電車各股東會議決定按照暫行之合同一律將電車歸地方自治會辦理
倫敦電云英國郵政局因西伯利亞至北京之郵信每多遲延爰考查原因以求改良之法

字林報云柏林與坦尼利夫已設立無線電機彼此相距有三千七百啓羅邁當

文滙報紀柏林電云意大利國討議建築一河道接連支納瓦與康斯登司湖意王路孟紐爾極注意此事云

或曰商路爲爭競運輸往往減其運費誠足使民 答此說不足信商但於繁盛之區築路計觀歷年
事運費卽暫有輕減不久必彼此聯合重行增加

或曰商路足以取信於人招股較官路募債爲易 答此指國家不能取信於民者而言

或曰商路所費較省且與商業中人較易接洽 答此說誠然

官路由商經理

此法實非美善義大利前用此法百弊叢生上年始經國家收回自辦現惟和蘭尙行此法 凡商經理
官路每歲酌納租款商志在牟利往往軌道車輛機器房屋聽其腐敗絕不修理如應添枝路仍須國家
修築修成復交商經理最不合算且租款太大則無人肯承太小則國家虧折更鉅

商路由官經理

此僅可爲暫行辦法如國家便保商路之息而商路逐年入款不敷付息須待國家津貼則數年之後國
家可取此路歸官整頓往往不久卽出資購買改作官路

合觀歐洲各國之鐵路不外此四種辦法然本城鐵路鄉鎮鐵路及枝路皆商辦或公辦者爲多一本
城鐵路多自治會公產一官路商路之營造管理法大致相去不遠官路未必爲國民所歡迎然目今
各國之政策皆以推廣官路爲目的奧近年逐漸收買商路義去年收回官路德亦銳意推廣官路英
法雖全係商路然法現正擬買一極要之商路改爲官辦英政黨亦屢有此議

國家收買商路

凡商路年限未滿國家亦可隨時收買其法有三

甲查該路近七年之進款將其收數最少之二年剔除以較優之五年比較酌中定每年之入款算至限滿時爲止國家照數給與股東

乙以上開比較之法所定每年之入款以四釐或五釐計成本國家給與公債票

丙按其機器軌道車輛產業之價值國家給與購買之價如其所用之成本較原招之股本爲多則照所用之本給價如所用之成本較原招之股本爲少則照原招之股本給價

凡欲收買商路某路用某法應於允許築路之正式執照內載明與現擬布一新律定一普通辦法凡執照上未曾載明如何收買之商路如官欲收買即照此新律辦理 奧又擬布一新律凡官收買商路須查該路近七年進款而鐵路帳目結算需時應先接收鐵路再核帳目 收買商路如官商意見不合當由獨立裁判衙門公斷亦於執照上載明一蓋如歸鐵路大臣裁判一防商有後言一則恐鐵路大臣處嫌疑之地不能認真辦理也

國家津貼商路

舊法每築路一啓羅邁當貼費若干然此法之弊商恃官之貼費於路線故爲紆折不求捷徑

新法保其成本之息不足由官補助然如一公司有兩路皆由國家保息而一贏一虧應由公司通盤計

一督軍軍練習之時有逾限至者懲罰如例

新法保其成本之息不足由官補助然如一公司有兩路皆由國家保息而一贏一虧應由公司通盤社
督指揮練習之時有逾限至者懲罰如例

第十一 待遇

待遇囚徒之法有基於一定之命令者有基於命令更置一定之規定者昔日之遇囚監
獄官吏可任意待遇今則必從一定之規則囚徒可爲之事及不可爲之事均詳載其中
入監之初必令細讀且使生不可違犯規則之觀念此項規則稱曰在監人遵守事項如
慮其遺忘或文義難解更演爲白話印刷散給在監之囚人俾時常誦讀甚切要也 國
家支配臣民必以法律監獄支配囚徒亦必以規則在監人遵守事項卽支配囚徒之法
律也但囚徒應守之事項甚多若悉網羅於在監人遵守事項中勢有所不能故除在監
人遵守事項中所載之外監獄官吏於必要之時可特下命令囚徒服從與遵守事項同
其中卽細微之事亦必力行不可稍有寬假約而言之遇囚之法分爲公平嚴正仁慈三
要素缺一則不能謂之完全之遇囚法第一公平法律者公平之物非公平則不得謂之
爲法律於監獄中待遇囚徒姑息不可偏頗亦不可否則失公平之旨趣抑法律之所以
公平者破之者則有罰守之者有賞監獄之對於囚徒尤宜賞罰嚴明使囚徒知雖在監
獄受刑之執行亦有賞罰則其遵守法律之觀念自油然而生第二嚴正嚴正者力行不

容寬假之謂法律乃不可違犯之物應使人常起一尊崇及威嚴之思想於監獄待遇囚徒儻不能嚴正轉令輕蔑法律而易蹈再犯故對囚人執行法律尤不可不力行也第三仁慈僅務公平嚴正猶不能生執行刑罰之意義也必加以人道之仁慈始可收改良感化之明效所謂人道之仁慈者如作業教誨皆是也

第十二 懲罰

行於一國之法律不能不有刑罰之裁判行於監獄之規則亦必須有裁判監獄規則之裁判者懲罰法也大可別之爲二種一曰權利剝奪二曰恩惠剝奪權利剝奪者雖爲囚徒亦有應得之權利今奪去其權利例如囚徒在監亦應得足保普通康健之衣食住宿又每月之中可發信一二次及可接見親朋此皆囚徒所有之權利也今奪去其是等權利卽爲權利之剝奪其剝奪之法一減食如每人每日應給與六合米之飯及菜蔬等今減去其菜蔬飯量二屏禁置之於狹小之監房光綫不得十分通入或禁止臥具減去衣服使之裸體居於暗且狹之監房三絕信卽禁止通信及接見外人又囚人一日之中許其運動一時或三十分或每三日五日許其入浴一次此皆囚徒在監所有之權利今若

給若干今則減少或剝奪之又在監人行儀良者例應准其以工作所得之工錢購取食物今或禁其購買凡此皆恩惠剝奪也 監獄內之懲罰亦名紀律罰各國監獄則種類甚多德國分譴責停止恩典特居拘禁禁閱書籍剝奪工錢禁臥具減食屏禁施械施處分十項施體卽笞杖以笞杖而爲刑罰之本統今日各國已大抵廢止矣日本之監獄則懲罰僅減食屏禁閤室施體獨慎五項減食者減去其食物分量二分之一或三分之一屏禁者置之於無人之處閤室者置之於極闇黑狹小之室光綫既不能通空氣亦不足敷用此爲極重之懲罰施體者以鐵珠縛諸足際視其所犯之輕重酌縛一二獨慎者獨居思過五年之中施體之懲罰惟加之於無期徒刑者其期限可延至五年獨慎限於十六歲未滿之幼年者凡懲罰幼年犯罪係獨慎及減食二種獨慎類於屏禁而獨慎較輕不過於普通之監房中使之獨居若屏禁則有時並不給以臥具然以上各項惟囚人行之刑事被告人尙無懲罰之例現擬將監獄則改正之又有所謂一時之處置者此實爲管理上之事例如對於非常強暴之囚徒既不能置之不聞又不能以尋常之法管理之則用特別之處置日本之法一曰縛以繩縛其手足二曰窄衣以度製之衣著之手足均不

能自由運動但此乃對於瘋狂者用之其餘不得濫用縛與窄衣二者均爲一時之處理非可持久萬不可以特別之處置與懲罰混合也監獄懲罰爲典獄獨有之權執行之時極其慎重絕信或減食一日則典獄可以自主如閤室或長期之屏禁及減食必博采監獄官會議之意見且俟醫生診斷方能執行監獄之懲罰其性質與普通裁判所畧異既宜慎重更貴迅速若事經數日加以懲罰亦無謂也又既受懲罰確有悔過之心或因而生疾病者宥之

第十三 賞譽

論監獄行刑之性質應罰不應賞囚人之於監獄能慎規謹行是其義務奚能因此而興賞譽按監獄則囚徒謹守獄則獎勵作業有改悛之行爲者典獄認定後得賞譽之監獄則施行細則更設賞譽之項目一貨與良品之衣類雜具二酌加通信次數三入浴先於各囚四增給食品五增給工錢懲治人准此凡賞譽俱以賞表爲憑賞表以布爲之縫於衣肩之上以示獎勵給與之法每期給一枚至給三期爲止故以三枚爲極點以監獄而行賞譽殊非監獄則之體裁不如專行階級待遇之法爲愈也 日本現行刑法處重罪

輕罪謹守獄則有悛改之狀特經過刑罰之

裏面等他出秧以後可以移到別個溫床裏去溫床裏常常要澆溫水防他乾燥天晴的日子可以把玻璃窗撐起一點等他通外面的空氣裏面必要掛寒暑表時時要查考他的溫度總要常在二十多度若是他低下熱力漸退就在框子外頭四面掘開把新馬糞等加進去

第七章 樹藝

果部

棗 爾雅曰壺棗臍白棗遵羊棗

齊民要術曰常選好味者留栽之候棗葉始生而移之三步一樹行欲相當令牛馬覆踐令淨正月一日日出時反斧班駁推之名嫁棗一棗性堅強不以苗嫁則易生蟲如本年芽未出而遽删除諺云三年不算死不推則花而無實斫則子萎而落北方草木歲歲嫁之結實繁盛而木俱內傷不堪作材一候大蠶入簇以杖擊其枝間振落狂花一不打花繁則實不成一全赤卽收收法日日撼落之爲上人家凡有旱澇之地不任耕稼者厯落種棗則任矣

羣芳譜曰棗全赤卽收撼而落之爲上半赤而收者肉未充滿乾則色黃而皮皺 又云棗將熟乘清晨連葉摘下於通風處晾去露氣揀新缸刷淨火烘乾晾冷取淨稈草晒乾候冷一層草一層棗入缸中封嚴密可至來歲猶鮮

桃 爾雅曰旄冬桃欆桃山桃

齊民要術曰種法熟時合肉全埋糞地中至春旣生移栽實地栽法以鋤合土掘移之又法桃性皮急四年以上宜以刀豎劃其皮一不劃者皮急則死一七八年便老一老則子細一十年則死一是以宜歲歲常種之一

便民圖纂曰於暖處爲坑春間以核埋之蒂子向上尖頭向下長二三寸許和土移種其樹接杏最大接李紅甘 羣芳譜曰種時將桃核刷淨令女子豔妝種之他日花豔而子離核 凡種桃淺則出深則不生故其根淺不耐旱而易枯 老圃傳云於初接實次年

斫去其樹復生又斫又生但覺生虱卽斫令復長則其根入地深而盤結固百年猶結實如初 桃子蛀者以煮豬頭汁冷澆之或以刀疎斫之則穰出而不蛀如生小蟲若蚊俗名蚜蟲雖桐油洒之不能盡除以多年竹燈檠掛懸樹梢間則蟲自落甚驗 李時珍曰

三月三日取桃花陰乾爲末收至七月七日取烏雞血和塗面光白潤色如玉

本報拾日出一册每册小每月天每册角五分

局設南京省城二道高井

光緒三十四年正月二十日 西歷一千九百八年二月二十一號 禮拜五